

KABA

# Kambang Luari

INI KABA BERISI NASEHAT SERTA  
PENGADJARAN BAGI PARA  
PEMBATJANJA.

Dikarang oleh :  
SUTAN PANGADUAN PAKAN SINAJAN  
serta dipimpin oleh :  
SUTAN MANTARI dan AHMAD CHATIB  
Tigo Baleh Bukittinggi.

Disedur oleh : DJ. M. ST. PERPATIH

Tjetakan jang ke ENAM.

SAK MILIK : „TSAMARATUL ICHWAN“  
BUKITTINGGI

13

DOKUMENTASI  
LUKMAN ALI

MILIK PERPUSTAKAAN  
BALAI BAHASA PADANG

No. **HIBAH**  
DARI BAPAK LUKMAN  
UNTUK BALAI BAHASA PADANG

MILIK PERPUSTAKAAN BALAI BAHASA PADANG  
DITERIMA TGL : 6 SEPTEMBER 2000  
SUMBER/HARGA : H  
KOLEKSI :  
No. INVENTARIS : 8228 / H / 2000 / K : (1)  
KLASIFIKASI : 809.223 13

K A B A

# Kambang Luar

INI KABA BERISI NASEHAT SERTA  
PENGADJARAN BAGI PARA  
PERBATIJA.

Dibarang oleh  
SUTAN PANGADJAN PERAN SINAJAN  
serta dipimpong oleh :  
SUTAN MANTAN dan AHMAD CHATIB  
Tigo Bales Bukittinggi.

Disadur oleh : DJ. M. ST. PERPATIH

Tjetakan jang ke E N A M.

HAK MILIK : „TSAMARATUL ICHWAN“  
BUKITTINGGI

*Handwritten:* 26/6 '62

K A B A

## *Kambang Luari*

Kait bakait rotan sago  
takait di aka baha,  
Nan dilangit alah cabarito  
djatuah kabumi djadi kaba.

Gadanglah ajia Sungai Landai  
tarandam bitang puluik2,  
Bukanlah hambo rang tjadiak pandai  
bakaba pang gojang2 muluik.

Tambilang dicumpun langsek  
tasisik diruang lantai,  
Dibilang sado nan dapek  
nan tingga untuak nan pandai.

Kok dialiah udjuang tali  
tali ka pangabek gamba  
antah takabek antah tidak  
banda urang kami bandakan,  
Kok dialiah udjuang njanji  
njanji talereng bakeh kabu  
antah dapek antah mah tidak  
kaba dari urang nen dikabakan.

Siapolah garan urang nan casabuik nan basuriah  
bak sipasin nan babaun bak ambejang nan tatjelak  
tampak djauah nan tabarombong tampak hampia urang-  
njo kajo suko dimakan pangasiah dianak dagang. Asal-

R A L A T  
HARAP DIBETULKAN :

Halaman	Baris	Ditjetak	Betulnja
3	9	Tjindai Taberai	Puti Bungsu
7	3	mandjanguik	mandjanguak
10	20	tak tantu	nak tantu
14	15	Ckarib	Charib
24	18	ipaikkan	dipaikkan
24	24	Manalah	Manolah
29	30	libolah	tibolah
48	2	kaitu	baitu
51	5	dja	djo
63	6	sarto	sarato

Wassalam dari Penerbit :  
Bukittinggi, September 1961.

njo radjo sunduik basunduik radjo badiri sandirinjo bukanlah radjo dang babali ijolah diranah Duo Baleh Koto. Nan dipadang linggajoran nan di karambia timbun daun ijo dikampuang tadjorok Mudiak sananlah baliau mandjadi radjo nan bagala Tuanku Radjo Mudo. Bali-au baduo djo mandeh Rubijah parmaisuri dek baliau urangnjo rando kajo pulo.

Salamo baliau mandjadi radjo anak dagang ba tambah2 urang nagari sajang kasadonjo awak elok parentah adil nagari aman rakjat santoso. Lorong kapado baliau nantun lai baranak tigo urang surang laki2 baduo parampuan nan tuo adolah laki2 banamo Kam-bang Luari nan tengah banamo Puti Bungsu nan ke-tek banamo Tjindai Taberai.

Adolah pado suatu bari hari nan sedang tengah hari sadangnjo bunta bajang2 sadangnjo langang urang dikampuang sadangnjo litak letai andjiang sadangnjo si tjindai nan bagaluik sadangnjo rami urang dibalai sadangnjo tjatjau ragi kain sanan bakato Radjo Mudo : „Mano adiak kanduang puti Rubijah kini baitu malah di adiak djiko di pandang2i bana anak kito kan ijolah gadang nan banamo Puti Bungsu alah tibo patuik djo djangkonjo lah patuik injo badjuundjungan.

Alah patuik adiak ba kito2 hinok manuangkan malah di adiak kanduang, djanlah tumbuah tjatjek kamudian malang nan tidak dapek ditulak mudjua nan indak dapek diraih. Dangakan dek adiak bunji pantun urang :

Djiko di rantang2 bana  
lah elok suto ka kulindan,  
Djiko di pandang2 bana  
lah elok injo badjuundjungan.

Mandanga kato nan bak kian sanan mandjawab mandeh Rubijah ijolah Puti Rando Kato: „Kalau baitu kato tuau tidaklah hambo duo baitu manoruiklah hambo tantang itu”.

Bakato angku Radjo Mudo: „Kalau baitu kato adiak sukolah bati denai kini kito baralek malah lai kito bari tabukan ka anak nagari untuak mamantjang galanggang ijolah galanggang pantjati djudu nan kadjudunjo anak kito nan banamo Tjinati Taberai”, lalu dihimbau Budjang Selamat: „Mano adjak kandung Budjang Selamat kini baitu malah di adiak lajuiklah tabuah Larangan rapekkan Basa djo Pangulu sarato Tjadia Pandai dalam nagari”.

Dek urang Budjang Selamat diambiak malah rotan sonsang lalu digua malah tabuah Larangan sembai manjembai tabuah nan banjak tabuah Djumat panjudahi. Takadjuiklah urang dalam nagari hitiak pikuak didalam kampuang dek mandanga tabuah babunji badujunlah urang ka ustano radjo.

Dari lurah datang mandaki dari bukit datang manurun nan buto datang bahirik nan patah datang banguang. Allahu-Rabbi banjakojo ummac rapek papek ditanah lapang gadang ketek tuo djo mudo laki2 djo parampuan tidak ado nan katinggalan pai manghadap kasadonjo ijo ditanah Kampuang Duo Baleh Koto nan dipinang nan linggajuran dikarambia atok tuogku tju-kuik djo Puti2 rando gadih langkok Pangulu djo Handiko sarato Imam dengan Chatib sanan bakato Pangu- lu Tuo: „Ampuntah kami dek tuanku djiko dibunush kami mati djiko dibuang kami djauah djiko digantuang kami tioggi tuanku djuo nan karugian namun kato nan

hana kami sambahkan djuo. Apokoh sabab karanonjo mangko tabuah babunji adokoh Pangulu salah hukum ataukoh Dubalang rabuik rampeh dimanokoh musuh nan manjarang ataukoh parit nan tarampa. Laikoh rando dapek malu tuanku tarangkan malah pado kami bu- liah nak tantu kami mangiroi".

Mandanga kato nan bak kian sanan manitah tuanku Radjo Mudo: „Manolah sagalo Niniak Mamak sarato Basa djo Pangulu mak sarato Imam dengan Chatib sarato Tjadiak Pandai dalam nagari atau nan rapék pa- pek kini nangko.

Salorong tantangan tabuah ka disuruh larjuik ijo- lah alah ado mukasuik djo sangadjo bukanlah ado sado nan bak kian ato hanjo ado sabuah nan salaruik sala- mo nangko kok kerek dinanti gadang alah gadang pa- tulknjo tibo tibolah ukuran djo djangkonjo tantangan anak kito nan banamo Puti Bungsu urtuak ditjerikan nan kadjudunjo. Gadang mukasuik hambo kini kok lai suko Niniak djo Mamak sarato Tjadiak Pandai dalam nagari kito pantjaog malah gafanggang ijolah galang- gang pantjeri djudu. Kini baitu malah lai koknjo lai sasuai kito kini basiap malah hanjo lai".

Baru mandanga kato nan bak kian sanan manjam- bah Pangulu Tuo: „Djiko salorong tantangan itu ma- muhun kami kapado tuanku titah nan kami djudjuang tinggi kami tanai bak kulindan kami djudjuang bagai gumalo. Kini djuo kami sugirokan lapeblah kami dek tuanku handak lai mangakok karadjo masiang2".

Kununlah dek tuanku Radjo Mudo sananglah hati mangiroi dilapeh malah urang djo suko hari galak ra- sanjum simaso itu. Sadang dek urang nan banjak nantun



lalu dikakok karadjo masiang2 satengah pai karimbo  
 pai mantjari pakajuan ado nan pai manangkok taranak  
 kabau djo bantiang satengah manumbuk padi ado pu-  
 lo nan pai malapeh ganangan eja ijo manungguak ikan  
 untuak ka paralek tjukuik badjabatan masiang2.

Alah sudah malah galanggang baukia ba mego2  
 langkok bamarawa ba pandji2 tjukuik barit ba langit2  
 sangaiklah rantjak dipandang mata tompa sudah lang-  
 gam tabao.

Sadang dek tuanku Radjo Mudo alah dilapeh ma-  
 lah surek pamanggia ijo pamanggia karib djo barit ka  
 lauk dilapeh pantjalang didarek handi dipasang kok  
 nan hampia kulansiang tibo kok nan djauah surek diki-  
 rim. Alah tabu urang nan bakuliliang bahaso radjo  
 mamantjang galanggang ijo galanggang pantjari djodo  
 nan kadjudunjo Puti Bungsu.

Malang nan tidak dapek ditolak mudjua nan tidak  
 dapek diraih alah malang nan tibo di diri tuanku Ra-  
 djo Mudo sarato Puti Rando Kajo djatuh sakit kaduo-  
 njo. Alah sehari duo hari tojo sakit lah sampai tudjuah  
 hari kalamonjo sakit batambah. Iadjaik djuo sanan ma-  
 nanggih Puti Bungsu mananggih sambia bapantun ba-  
 pantun bahibo hati:

- Usahlah djarami diserakken
- nan diladang mudik kabulu.
- Usahlah kami bapak tinggakken
- gadaangkan malah kami dahulu.

Manolah bapak kuduang hambo sarato djo ma-  
 deh kuduang diri kito kan ijo sadang baralek lakel-  
 lah ba'a bapak sebat lakelalah ba'a mandeh sanang la-

pehkan malah halek nangko".

Kato nan tidak badjawab lai tidaklah ado deju upa-  
jo lai kok ubek alah ba matjam2 kok dukun alah ba-  
njak pulo tapi panjakit batambah ladjaik djuo ban-  
duanglah ratok samaso itu Allahu Rabbi nan katahu  
manangih manggaruang pandjang maratok babuah pantun:

Manjumpik badamak tidak

kanailah anak tuku2,

Baninjak bamamak tidak

bagentuang dirang nan basuku.

Ajam kinantan putiah tjotok

disabuang nak rang Padang Tarok,

Bagai gunung bapak denai harok

kini mandjadi buah ratok.

Bapak kanduang ka lah tahu djuo kok lai bana  
denai bakakak laki2 nan banamo Kambang Luri ga-  
daungjo nan bak birah ditapi lasuang akalajo kurang  
pandapek balun kok badanojo ijolah gadang tapi tak  
dipek tampek batenggang sabab samaso dahujungjo ka-  
kak nan sangaik bapak mindjokan gadaungjo tabao di-  
ruwehjo sadjo tidakno tahu diranggeh nan ka malan-  
tiang tidakno tahu di duri nan ka mantjutjuk injo  
bahati gadang satiok hari dimano galanggang nan tami  
dimano sorak nan banjak injolah ado nan disonan na-  
buang djo djudi karadjonjo. Kokno adiak kanduang ham-  
bo nan banamo Tjindai Taberai sadangojo ketek baru  
kini sadang baumua limo tahun tidaklah dapek lawan  
bajo".

Bunji tangih ma hisak2 bunji ratok man djuo ta-  
kadjuik urang nan banjak lah ganpa urang didalam kam-  
puang hiru biru urang nan banjak dek mandanga ratjo

nanlah marapulang mangkarajo sarangkok djo parmaisuri ijolah Puti Rando Kajo. Allahu Rabbi banjaknjo ummat nan datang mandjanguik tidaklah ramuek dirumah gadang nan dihalaman alah panuah pulo.

Gadang kerek tuo djo muda repek papek kasadonjo alah repek Basa djo Pangulu sarato Imam dengan Chatib sarato Manti djo Dubalang mufakatlah urang samaso itu mantjati kato nan sasuai untuak manjalmaikkan djenszah baliau ijolah Radojo Muda sarato djo Puti Rando Kajo.

Tidaklah lamo antaronjo alah digali malah pandam pakuburan lalu dimandikan mait kaduonjo kapan batjabiak hanjo lai alah sudah pulo mait dikapani lalu disambahjangkan sakali. Alah salasai sado nan paralu lalu dihosong malah mait ba samo2 sananlah banduang bunji ratok. Allahu Rabbi bunji tangih ramuaklah hati mandangkalan saraso ka raban bumi nangko.

Tidaklah lamo antaronjo lah sampai mait ka pakuburan lalu ditanamkan mait kaduonjo alah salasai pulo sado nan bak kian urang mambatjokan do'a hanjo lai sarato talakin pandjang. Salasai pulo sado nan bak kian urang babaliak pulang hanjo lai alah patang tjandonjo hati patang badjawek dengan sandjo urangpun sambahjang di Musadjik sarato ditahlilkan malah baliau kaduonjo disudahi dengan do'a salamaik.

Namun dimalam nan samalam antun urang mangadji sampai siang lorong kapado Puti Bungsu apo katenggang badan diri utanglah sudah lapanggia baratek nan djauah uranglah tibo nan dakek utanglah datang itu pulolah nan mamabuak paratiian siapolah urang ka ditompang siapolah urang ka dilawan ba ijo takana.

mandeh djo bapak sanan manangih manggaruang paudjang manangih babibo hati :

Samandjak ka Mungka urang baparak  
pandan nan tumbuah djo saligori  
sitjerek nan banjak djo pianggang.  
Samandjak paningga ibu djo bapak  
badan denai seso satiok hari  
tidaklah ado tampek bateggang.

Ajia mato giriang gumiriang nan bak maniak putuih talinjo nan bak intan putuih pangarang alah sabak mato dek manangih sananlah datang Budjang Salamet lalu manjambah maso itu : „Manolah atjiak den Puti Bungsu apokoh sabab karanonjo mangkonjo atjiak manangih djuo katokan malah pado denai koknjo lauk ka denai ranangi koknjo rimbo ka denai tempuah”.

Mandanga kato damikian sanan mandjawab Puti Bungsu : „Manolah tuan Budjang Salamet koknja lai baitu kato tuan sananglah hari mandangkalan sadjuaklah raso kiro2. Kini baitu malah dek tuan tjarilah urang nan pandai pananti halek ikolah pitih ampek pundi2 suwahlah injo tagak di ampek simpang.

Koknjo ado urang nan datang ijo ka pat baralek ijo karumah bambo nangko katokan malah ba elok2 babilah pitih ka panulak sabarapo injo nan suko. Katokan babaso bapak djo mandeh alah marapulang itulah sababnjo halek tidak djadi tjuraikan malah ba elok2 usah mandjadi sasuat sabab nan rak baik”.

Lorong kapado urang nan barampek alah badiri di simpang djalan alah banjak urang nan lalu alah disudi disiasek urang nan lalu dikatokan ba elok2 nan babaso baralek tidak djadi. Ado nan dirulak djo bitjaro ado

ditulak dengan pitih babaliaklah urang hanjo lai ijo kakampung masiang2.

Alah sapakan duo pakan sampai sabulan pulo antaronjo tjukuik saratuuh hari papek banjaklah Setan2 nan lah datang banjaklah radjo2 nanlah ribo ditulak djuo dengan elok sarato di isi malah sjaratnjo.

Balam timbago tigo gajo  
murai baktijau ateh pintu,  
Salam ta'zim badan hambo  
kaba baraliah tantang itu.

Aliahnjo kapado Nangkodoh Baha saurang radjo nan diranah Tandjuang Subaliak gadangnjo nan bukan alang2 awaklah radjo djanjo awak injo baduo badunsanak nan surang banamo Putri Santan Batapih.

Adolah pado suatu hari sadangnjo duduk ba manuang2 sanan takana dibadan diri nan bahaso handak barakanan siapolah garan urang nan lai patuik djo injo Dilapeh kiro2 hilia djo mediak dilapeh tindjau djauah djo hampia alah talinteh di angan2 alah tarupo di kiro2 alah tabajang diruang mato ijolah Putri Bungsu anak dek mandeh Putri Rando Kejo dan djo tuanku Radjo Mudo etan diranah Duo Baleh Koto nan dipinang nan linggajuran nan dibawah karanabis atok tungku. Lalu dibimbau Budjang Djuaro: „Adiah kauduang Budjang Djuaro ke mari2 malah adiah denai nak barang dikatoken. Ambiaklah pinang sinawa sarato siriah salangkknjo kito badjalan kini djuo pai karumah Putri Bungsu nan diranah Duo Baleh Koto anak dek tuanku Radjo Mudo. Melah kito badjalan kini nangko lekkanlah palano kudo djapuik tabao handaknjo dek kito namuah anggan injo kito bau djuo bia tadjadi

bantah djo kalabi walaupun batuhuak djo baparang".

Alah turun tjando kahalaman lalu dirajak malah kudo saikua surang kudo manduo lari kantjang adang2 mangguratih lambek bunji ganto man daju2 adang2 galoro pandjang adang2 galoro pendek bunji ganto bak batimang pai tigo pulang tigo bilangan sakitu djuo.

Dek lamo lambek didjalan djavah basarang hampia djuo hampia katibo hanjo lai banjaklah kampuang nan talampau banjaklah nagari nan tadjalangi. Alah tibo garan disanan ijo dirajah Duo Baleh Koto tibo dihalaman rumah Puti Bangsa lalu naik sakali ka ateh rumah. Sanan takadjuik si Kambang Luari tarjameh raso parati. an lalu bakato maso itu: „Manolah angku Nangkodoh Baha nan salaruik salamo nangko alun paranab angku kamari apolah garan muksauik djo sangadjo katokan malah pado denai".

Mandjawab Nangkodoh Baha: „Tuan den Kambang Luari ikolah siriah nan sakapua ikolah timbakau nan saguluang makaalah siriah nangko sarato mahisok rokok nan sabatang cak tantu pulo kito berunding".

Dek utang Kambang Luari alah dibao duduak Nangkodoh Baha ijo diateh kasua Manggalo duduaklah injo ba samo2 lah sudah marokok makan siriah rundingan bamulai hanjo lai. Sidang dek Nangkodoh Baha basanda injo kabanta gadang sanan kakato maso itu: „Manolah tuan Kambang Luari kini baitu malah dek tuan salorong tarangan muksauik djo sangadjo datang kamari nangko mak hambo katokan malah.

Dengarkan malah elok2 nak djan tuan salah tarimo tantangan niat dalam hati kok siang mandjadi angon2 kok malam mandjadi buah mimpi salorong tantangan

niat djo sangadjo koknjo lai suko tuan tarimo bali djo pintak kapado tuan ijo nak mandjadi rang sumando dek ruan untuak suami dek Puti Bungsu".

Sanan mandjawab Kambang Luari : "Ampunlah hambo dek tuanku salorong dibadan diri hambo surang alah suko bana hambo manarimo tapi samantang pun baitu antah kok diadiak kanduang hambo koknjo lai pulo satudju djo hatinjo manantilah tuan sakutiko". Lalu badjalan Kambang Luari manudju ka ruwang tengah taruih sakali tjando ka dapua didapati si Bungsu sadang bamanuang sanan bakato Kambang Luari : "Manolah adiak kanduang djanjo denai dangakan dek adiak elok2 alah datang urang pado denai ijo bandak maminang adiak kanduang. Injo nan radjo dinegari Tandjuang Subaliak nan bagala Nangkodoh Baha. Pulang bitjaro pado adiak".

Mandjawab Puti Bungsu : "Tuan kanduang Kambang Luari salorong tantangan bitjaro nantun pado wakatu iko kini alun lai ado tanjet nak basuami. Sabab baitu kato denai bapak djo mandeh baru marapulang kito nan alun mando'a saratuih hari suruikkan dek tuan kanduang elok2 tulak malah dengan parundiangan kudian kok ado umua samo panjang kok lai untuang djo bagian tarangkan malah elok2 usahnjo salah tarimo".

Pihak dek Kambang Luari dilibek adiak alah manangih tidak diulang duo kali bakato lalu badjalan ka ruwang tengah ka bakh angku Nangkodoh Baha sanan bakato Kambang Luari : "Manolah angku Nangkodoh Baha dangakan malah dek angku elok2 usalah angku salah tarimo nan salorong tantangan parundiangan

angku tadi alah hambo parundiangkan djo adiak hambo nan banamo Puti Bungsu.

Awakno mamintak djandji malah dahulu kudian angku babaliak malah kamari kok lai umua samo pandjang kok lai untuang djo bagian batamu roweh djo buku. Namun diwakatu iko kini angku babaliak pulang malah dahulu sabab bajtu kato denai nan tahadok didiri adiak kanduang hambo balunlah rangih tahantokkan balun lai kariang aja mato dek karano ibu djo bapak baru marapulang itulah baru nan di rusaahkannjo.

Mandanga kato Kambang Luari kununlah dek Nangkodoh Baha mandjawab injo maso itu: „Tuan kanduang Kambang Luari daogakan malah dek tuan denai katokan sadjauah nangko hambo kamari kini tuan mamintak djandji pulo djandji nan tidak ado badjangko katokan malah kasulainnjo nak tantu hambo mangiroi:

Kok hudjan hudjankan bana  
mak tantu batuduang kain,  
Kok tidak tidakkan bana  
mak tantu mantjari nan lain.

Usah di gantuang2 djuo elok malah ba djalah2:

Aso tali duo pidjakkan  
nak tantu banto denai djulaikan,  
Aso lai duo tidakkan  
nak tantu hambo mamikiakan.

Eloklah di kana2 bana elok di hudjo2 djo pikiran pado manjasa kamudian, lalu marentak Nangkodoh Baha marentak tagak samaso itu.

Takadjuik sanan Puti Bungsu batari injo karuwang tengah baru tibo injo bakato: „Manolah angku Nangkodoh Baha ba apo bana kato angku tjako tjubolah



ulangi sakali lai marangeh bulu den mandangkan. Ba'a mangko baitu bana kato angku tidakkoh angku ba taratik djo ba sopan tidakkoh tahu angku di nan rusuah. Kok ditjaliak rupo angku lai rang tjadiak sarato djauhari angku pun radjo pulo dinageri mangapo angku basipat nan bak nantun.

Tidakkoh angku tahu disalah bana sapatuiknjo angku datang mamudjuak kami kok tangih patuik angku bantokkan tapi tidaklah ado nan bak nantun dek angku babaliak pulanglah angku dabulu pulalah angku baradja baso djo basi. Kalau sarupo angku nangko bialah hambobo marando saumua hiduik pado balaki djo urang indak tahu di sopan santun.

Kok rupo angku nan ka diparambiak hiduang gadang tangah duo beto kok gadang angku nan ka diparambiak gadang nan tidak bapikiran kok radjo angku nan ka diparambiak radjo Ibilih malah garau angku patuik gadang salaweh kantjah kok bagak angku nan ka ditompang urang nan tidak barakal apo gunonjo kôk budi angku djauah sakali. Kini baitu malah dek angku badjalanlah angku kini2 pado denai siram djo sija angek".

Kununlah dek angku Nanghodoh Baha mandanga kato sadanikian "badan lah palak2 miang muko lah sirah2 padam" paluah alah sa gadang2 djanguang lalu marentak tagak injo maso itu tidaklah ado ba kato2 lalu turan kahalaman maoggigia badanjjo manahan berang tidaknjo malihék suok kida Budjang Djuato mahiriangkan djuo dibalakang. Alah naik tjando ka ateh kudo lalu dipatju malah kudo babaliak pulang ijo karanah Tandjuang Subaliak tidaklah tabado kantjang lari kudo nan

bak sarupo panah lapeh dari busuanjo.

Dek lamo bakalamoan djauah basatang dakek djuo alah tibo garan disanan ijo dihalaman rumahjo lalu turun dari ateh kudo sanan bakato Nangkodoh Baha: „Manolah Budjang Djuaro latjuiklah tabuah larangan kumpuakan Basa djo Pangulu sarato Tjadiak Pandai dalam nagari nangko”, kato sampai injo naik ka ateh rumah talingo alah njeriang2 bak kian pantjaliakan ba rapi2 muko sirah bak buah sago taraso bana hino badan tidaktah lamo antaronjo gumantalah bunji tabuah sahuik manjahuik tabuah nan banjak.

Alah bahimpun anak nagari dimuko halaman ustano radjo tidak tabado banjakojo ummat gadang kerek tuo djo mudo laki2 djo parampuan tjukuik Pangulu djo Handiko sarato Imam dengan Ckarib dari lurah datang mandaki nan di bukit datang manurun tidak tamuek dinan lapang dinan laduang alah panuah pulo.

Sanan manjambah Manti djolong pandai: „Ampunlah kami dek tuanku djiko digantuang kami tinggi djiko dibuang kami djauah tuanku djuo katugian kato nan bana kami sambahkan djuo.

Apolah sabab katanonjo mangko tabuah babunji laikoh Pangulu salah hukum ataukoh Dubalang rabeik rampeh dimanokoh parit nan tarampa ataukoh musuh nan mahadang laikoh rando dapek malu tuanku terangkan milah pado kami nak rantu kami mangiroi buliah nak sanang didalam hati nak sunji didalam kiro2”.

Lalu manitah Nangkodoh Baha: „Manolah sagalo Niniak Mamak sarato Imam dengan Chatib mak sarato Basa djo Pangulu sado nan hadir kini nangko mangkonjo tabuah ka disuruh gus bukanlah ado sado nan bak kian

tidaklah Pangulu lantjang bukom tidaklah Dubalang ra-  
 buik rampoh tidaklah ado rando dapek malu, sataupun  
 parit nan tarampa ato hanjo ado sebuah nan manjeso  
 dalam hati dangakan malah elok2:

Tidaklah alu sagadang nangko  
 alu tasanda di pematang.

Tidaklah malu sagadang nangko  
 arang tarjoreng pado kaniang.

Tidaklah malu nan sagadang nangko bagulimang  
 sapanuah muko tidaklah hino sabino nangko hino ba-  
 lungguak dikapalo. Kini baitu malah dek kito baralek  
 malah kito kini nangko kito pantjang malah galang-  
 gang ijo galanggang pantjari djudu nan kadjudunjo  
 adiak kanduang dek hambo nan banamo Puti Santan  
 Batapih. Koknjo lai gadai ka tarabuih malu kok lai ka  
 tatuntuik mak tahu urang nan bahaso lurah lai babaru  
 nak tahu urang nan bahaso idjuak lai basaga buliah nak  
 samo2 tahu dimasini garam mak samo2 manungguang nan  
 bak adat satjaro hiduik baleh mambaleh koknjo Sja-  
 ritac mamandang zhabir koknjo kakikat mamandang  
 Bachin".

Mandanga titah nan bak kian mufakatlah urang  
 sado nan rapek nantun alah dapek kato samufakat un-  
 tuak ka mamantjang galanggang dibagi karadjo ma-  
 siang2 satengah pai karimbo pai mantjari kaju sata-  
 ngah pai mantjakau taranak untuak djuadah dihalek  
 djamu.

Dek tjakap fukang bakaradjo alah sudah malahi ga-  
 ran galanggang nantun rantjak nan bukan alang2 bau-  
 kia ba mego2 nan batirai ba langit2 tunggak bapaluik  
 djo kain kuniang rupo sudah langgam tabao tabaolah

kabasaran radjo2.

Tigo bulan lamonjo tukang bakaradjo lah basil sado nan paguno lah ditapeh malah surek kahilia djo ka mudiak nan djuuah surek dikirimkan nan dakek diusua datang. Galanggang bamulai hanjo lai lah banjak Sutan nan datang alah banjak Djuaro nan tibo sabuang djo djudi singaik mandjadi taruah batampin timba ballak ameh djo perak alah babungguak urai nan alah ba kato2 parah tadji bak disukari siriab mandjadi sarok balai gambia mandjadi tanah lijek.

Alah limo bulan galanggang rami lorong kapado Nangkodoh Baha tidaklah ado basanang hati sabab nan dihati alun lai lapeh nan diniat alun lai sampai sanan bakato injo kapado adiak kanduangnojo ijolah Puti Santan Batapih: „Manolah adiak kanduang Santan Batapih siapkan malah sagalo nan paralu aturlah hidangan salangkokojo tjukuikkan makanan djo djuadahnojo usahlah adiak katinggalan sjarat hedangkan dilapiak Manggalo agiah batirai bakulambu usah tarjatjek 'adst kito usah taupek karano baso usah buruak karano karenah adiak.

Kok sanjampangnojo tibo Kambang Luari anak dek radjo Duo Baleh Koto sonsongkan dek adiak djo tjara-no suruah iriangkan dek dajang2 djo panginang bao naik ka ateh rumah duduakkan awaknojo diateh kasua Manggalo nampakkan dek adiak sajang adiak padjaso-kan bana elok2 pandai2 malah adiak ba purak2 barikan makanan nan lamak2 lalukan malah ramuan pakasiah tjukuik pitunang santuang pilalainjo. Kok lai untuang pado kito tapupuih malu dikaniaang tahapuih arang dimuko”.

Mandanga kato kakak kanduangnojo zipak dek Puti

Santan Batapih alah mandanga kato nan bak kian ba-  
sigap malah hanjo lai lalu disuruah si Kambang nan  
banjak mahedangkan djamuan djo djuadahnjo langkok  
sagalo makansonjo.

Lorong kapado Nangkodoh Baha dipabuek malah  
surek saputjuak ijo kapado Kambang Luari: Tuan kan-  
duang Kambang Luari nan diranah Duo Baleh Koto  
nan dikarambia nan atok tungku anak dek tuanku Ra-  
djo Mudo. Ikolah surek nan saputjuak sarato siritah nan  
sakapua ka ganti badan diri hambo datang mandjalang  
tuan kandung. Adapun mukasuk djo sangadjo ijo han-  
dak mandjama tuan datang karanah Tandjuang Subaliak  
kan ijo kami mamantjang galanggang ijolah galanggang  
pantjari djudu nan kadjudunjo adiak kandung hambo  
nan banamo Puti Santan Batapih,

Alah banjak Sutan nan datang alah banjak radjo2  
nan tibo surangpun tidak nan katudju, Tipak dibadan  
diri hambo hazam talak kok barandjak dari tuan kan-  
duang nan kadjudunjo adiak hambo kok lai untuang  
baik dikami tidaktah tuan manolak tantangan itu ba-  
sugiro malah tuan datang.

Salam dan maaf dari hambo  
radjo diranah Tandjuang Subaliak,  
Nangkodoh Baha.

Surek dibao dek Dubalang ijo karanah Duo Baleh  
Koro diratjak malah kudo taruih dipatju maso itu ti-  
daklah tabado kantjang larinjo.

Rampaklah paga madang kaju  
rareh lah buah saliguri,  
Diasak kaba tantang itu  
ka bakeh si Kambang Luasi.

Aliahojo kapado Kambang Luari sadangnjo ma ngalait dikutisi sadang ba manuang2 maso itu duduak di langkan rumah gadang tibolah Dubalang mambao surek sapurjuak sarato siriah salangkokojo lalu ditarimo malah surek nantun dek Kambang Luari lalu dibatjo maso itu dari awal sampai achirjo sadang mambatjo surek nantun siriah dikonjahajo djuo sarinjo alah dilulua sapahajo dibuangkan ka halaman kalekjo tingga di rakungan.

Tidaklah lamo antaronjo lah lalu malah ramuan nan badjampi ijolah ramuan pitunang djo pakasiah hati nan tidak sanang lai darah alah ba dabok2 pikiran tjewang tak manantu pangana ka halek Puti Santan Batapih saraso tabajang diruang mato talinteh rupo diangan2. Alah dihinok dimanuangkan diukua djo pikiran surang diri makin mamabuak paratian tadorong kasiah ka bakeh Puti Santan Batapih rupo nan alun kahabatan nan batamu sakali balun baitulah konon pakasiah lakek.

„Kokojo denai tidak pai ka galanggang nantun kok bodoh bana awak djanjo urang awak anak radjo djanjo urang lagipun Sutan dinagari“. Alah lamo dedoak ba pikia sanan mahimbau injo maso itu : „Manolah adiak kandung Puri Bungsu mari kamari malah adiak kalua kan malah pakafan denai kini djuo denai nak pai ka galanggang ijo karanah Tandjuang Subaliak ikolah kulansiang nanlah tibo ikolah panggilan nan lah datang. Kokojo tidak denai pai kito kok diupek urang kamudian tidak doh tatjalik dunia urang laimoh awak anak radjo2 bukanlah urang kabanjakkann sadjo kito kok dihinokan urang“.

Sanan mandjawab Puti Bungsu: „Manolah kak tuo djanjo denai kok bŕliah pintak djo pinto usahlah ruan pai baralek sakali nangko bapikia maish tuan sakerek urang kok handak mandjapuikken bates sabab injo mandapek malu dahulunjo. sabab injo datang mamaso denai handak dikawininjo. Kok djadi djuo tuan kakian sanjampang dibarinjo makanan nan lamak2 kok lalu bu-djuak djo dajonjo alamaik kasansai badan kito”.

Mandanga kato nan bak kian mandjawab Kambang Luati: „Manolah adiak djanjo hambo dangakan malah elok2 kok baitu kato adiak tidaklah satudju djo hambo usahlah adiak banjak bitjaro salororg rantangan di diri hambo tidak tabambek djo tatagahkan sungguahpun adiak tidak suko namun hambo ka pai djuo”.

> Lorong kapado Puti Bungsu habiblah akal djo bitjaro dipudjuak djuo tuan kanduang alah habih tenggang djo kalaka alah sa panek2 managahkan sanan manangih Puti Bungsu manangih babibo hati lalu bapantun ba Ibaraik:

Kepakan sakali nangko  
 usah sapek tuan balikan,  
 Kok pai tuan sakali nangko  
 usah maupek tuan kamudian.

Kununlah dek urang Kambang Loari tidaklah paduli dek injo lai hati gadang tidak tabado lalu mamakai hanjo lai dipakai sarawa pandjang pandjuik kaki kungsiang nan tjaro Sialahan baminia batatah manjak dipakai pulo badju biludu langannjo tabuogo djo batatawang lah lakek deta saluak serong lakeklah pulo si sampiang kain bugih haluih.

Ditjaliak kapado dang tampannje rantjak tidak

buruakpun tidak sedang elok dipandang mato lalu turun injo kahalaman kudo alah tasadio djo palanonjo di rarak kudo hanjo lai kudo manduo lari kancang adang2 mandarap mangguratiab bunji ganto bak batimang pai tigo pulangpun tigo adang2 tadanga tinggi adang2 tadanga randah man daju2 paratian lah banjak kampuangan talampau lah banjak nagari nan tasinggahi djauah basaring dakek djuo hampia karibo hanjo lai ijo diranah Tandjuang, Subaliak.

Alah tibo tjando didalam kampuang taruih sakali ka galanggang hiru biru urang nan banjak: „Dari manokoh Suran nan datang nangko salaruik salamo nangko galanggang rami balun paronah Suran nangko kamari dimanokoh dusun nagarinjo antah kok tabasuik dari bumi antah kok turun dari langit sariklah Puti ka djudunjo laranglah Suran ka bandiangnjo”.

Sadang dek urang nan bamain digalanggang tipak dinan kalah bahibo bati tampan kausai malah galanggang sabab, lah tibo urang nan patuik ka djudunjo Puti Santan Batapih mano nao manang alah bagiding bati tapi baru manampak urang nan baru datang nautun lah lupu di kalah manang.

Alah sampai kaba kapado radjo Nungkodoh Baha galak tasanjum samaso itu dilapoh pandang kiri djo kanan pandang dakok ditukiakkan pandang djauah dilangkan dipandang katengah galanggang alah tampak urang urang diareh kudo sedang dikarumuni dek urang nan banjak sanan bakato Nungkodoh Baha: „Mandelab adiak kanduang Santan Batapih alah datang malah Suran nan rancjak ijolah nan kadjudunjo adiak kanduang tongtongan malah dek adiak ka galanggang baolah siraah



di tjarano pudjuak dek adiak elok2 bao naik malah ka rumah kito mauleh usih mambuku mambubua usih mangasan".

Mandjawab Puti Santan Batapih: „Tuan kandung badan hambo djiko baitu kato tuan hambō sugiro malah pai", lalu turun injo kahalaman dihiriangken dek dajang2 djo panginang si Kambang mambao siriiah di tjarano langkok djo daun djo timbakau bajang alah turun tjando kahalaman bakadja tjarjak ateh paran bakadja bajang2 gigi gigi nan putih bak tjamio taruh ranjak nan bukan alang2 badjalan sigandjua lalai alu taruang patah tigo samuik rapidjak indak mati bak sarupo dewa dari langit kipeh basabuang kiri kanan.

Alah tibo ditengah galanggang sanan bakato Puti Santan Batapih: „Manolah tuan kandung Kambang Luari salaroik salamo nangko alah babiling bulan galanggang rami tuan nan tidak kundjuang datang antah kok surek nan tak kundjuang tibo antahkoh kulansiang nan tak kundjuang sampai. Ikolah siriiah nan sakapua sarato rokok nan sabatang ka ubek hauih di padjalanan sadjauah nangko tuan kamati".

Mandanga kato nan bak kian takadjuik Kambang Luari lalu turun dari ateh kudo tasitok darab didado manajaliak rupo Puti Santan Batapih gumanta rasonjo pasandian lamo sabanta antaronjo nau bak kian diampajak malah siriiah ditjarano sarato rokok nan sabatang alah dikubjah malah siriiah lalu dihirik malah rokok sanan bakato Puti Santan Batapih: „Manolah tuan kandung Kambang Luari roh malah kito naik kacumah malah tjando dipandang urang tak patuik kito lamo di galanggang".

Lorong kapado Kambang Luari kapalo bak raso ka rangkah pamandangan alah ba beza2 paruk bak raso ka muntah dek mimakan siriah nan alah badesokan sarato timbakau nan alah baramuan. Alah panjang sanan Kambang Luari lalu ditatang dek Dubalang ba samo2 ka ateh rumah gadang dilatakkan diateh kasua taba. Tidaklah lamo antaronjo lah tahu injo di dirinjo ditjaliak suok djo kida dilapeh pandang bakuliliang sinan tampak Puti Santan Batapih sadang duduak manjudji djo manarawang sanan bakato Puri Santan Batapih: „Tuan kuduang Kambang-Luari melah kito makan ba samo2 alah litak melah tuan agaknjo nasi lah dingin manantikan”.

Kununlah dek Kambang Luari alah hilang pikiran nan bana, alah bak sarupo bantiang gadang dilakekkan kili2 namuah sadjo dikarakan kaluwannjo namuah djuo dek karano alah tamakan diramuan tidak takana lai kampuang djo halaman tidaknjo tabu dihati bibo piktanojo kapado Puti Santan Batapih sadjo tiok ditjaliak Puti Santan Batapih hati barambah mabuak djuo ijo bana nan bak pantun urang:

Si ajuah tabang manilantang  
hinggok di pulau Indopuro,  
Biduak patjah pandajuang hilang -  
Pulau dihedang djuah djuo.

Dalam ukatu maso itu paiklah radjo Nngkodoh Baha sarato ribo injo bakato: „Manolah tuan kuduang Kambang Luari alah lamo bana tuan hambo nantikan alah babulan galanggang rami alah banjak radjo nan ti-bo tidaklah ado nan katulju tidaklah saukua djo sapa-dan ijolah nan ka djudunjo adiak kuduang liambo nan

banamo Puti Santan Batapih. Kok buliah pintak djo pinto usahlah tuan manolak tantang itu usahlah tuan batangguaah ijo kadjadi djundjungan Puti Santan Batapih”.

Kununlah dek Kambang Luari tidak ado injo manjawab galak tasanjum samaso itu kok ditjaliak dipartikan bana dipandang laku djo parangainjo ijolah inguah sarato djo pandianjo sanan tasanjum Nangkodoh Baha alah mukabua malah nan dihatinjo lalu bakato hanjo lai: „Kini baitu malah lai ikolah radjuik dengan sabik pai lah manjabik rumpuik gubalokan malah kudo denai. Tapi kalau lai namuah Puti Bungsu denai nikahi sarangkek malah kito baralek djikoknjo tidak namuah dinkabkan dengan hambo ikolah pisau ka pandabiahnjo bunuah malah kini djuo”.

Mandanga karo nan bak kian adang2 tibo pikiran nan bana merab njalo warono muko Kambang Luari sangaik padiah didalam hati tapi adang2 babaliak dajo iblis nan alah basarang di djantuangnjo dek karano ramuan nan alah bakaradjo tumbuablah pikiran nan tak elok namuah injo pai mambunuah dang adikojo nan banamo Puti Bungsu. Sadang ba manuang2 djuo bakato Nangkodoh Baha: „Lakeh malah ramokan kini nangkoko kok ka tidak tidakkan bana buliah nak tantu kito basadio sagalo nan paralu”.

Sanan mandjawab Kambang Luari: „Manolah tuan Nangkodoh Baha kalau baitu pintak tuan sagiro malah hambo pai kini djuo asal leh lai kalakeh hambo kawin ijo dengan Puti Santan Batapih koknjo tidak namuah adiak hambo kawin djo ruan tantulah hambo tidak pu ko djadi kawin djo Puti Santan Batapih”.

Dek urang Nangkodoh Baha lalu dibarikan malah pisau nan tadjam sarato kain putih nan sahero tidak tabado gadang hati niat bak raso kasampai djuo galak tasanjum maso itu.

Lorong kapado Kambang Luari alah ditarimo pisau djo kain lalu tagak hanjo lai turun sakali kabalaman diratjak malah kudo hanjo lai dipatju sakali maso itu kudo mynduo lari kantjang tidak tabado kantjang lari-njo banjaklah nagari nan talampau djuah basarang da-kek djuo hampia katibo hanjo lai alah tibo dilua kam-puang kununlah pikiranojo Kambang Luari maso itu adang2 takana dinan bana namuah rasonjo manggandjua suruik adang2 tibo dajo Iblis: „Namuah tak namuah adiak denai kawinkan djo Nangkodoh Baha bia denai bunuah sampai mati”.

Kudo balari djuo maso itu alah tibo garan disanan ijo dibalaman rumah gadang lalu turun dari ateh kudo ipauikkan kudo dibawah kaju kamuniang badjaloalah injo tjando karumah.

Sanan takadjuik Puti Bungsu mantjaliak rupo kare-nah kakaknjo ijolah pirangai Kambang Luari ditjaliak dang rupo mukonjo adang2 putjek nan bak kain ganih adang2 merah nan bak buah sago lalu bakato maso itu: „Manalah tuan kandung djanjo hambo tuan den Kam-bang Luari apokoh sababnjo damikian ropo tuan nan bak sarupo dikadja hantu djahek balun lai paranah tuan nan bak nangko apokoh sabab karanonjo tarangkan malah pado denai”.

Mandjawab Kambang Luari: „Adiak den Puti Bung-su dangakan malah dek adiak elok2 buliah den tjurai den paparkan nan salorong badan hambo nangko ijo

disuruh dek radjo Nangkodoh Baha untuak mangato-  
kan nan babaso adiak ka dinikabinjo djikoknjo adiak  
tidak namuah hambo pun tidak pulo djadi nikah de-  
ngan Puti Santan Batapih iko moh lai pisau dibarikan-  
njo disuruhho hambo mambunuah adiak djiko manu-  
lak adiak tantang itu".

Mandanga kato nan bak kian heran tatjangang Pu-  
ti Bungsu gumanta rasonjo pasandian putjeklah rupo-  
njo sakutiko tatjameh bana didalam hati lalu bakato  
maso itu: „Manolah tuan kandung. Kambang Luari  
dangakan dek tuan kato hambo:

Sadjak samulo denai pantokan  
tidak dilatak didalam padi  
dilatak djuo di pematang  
pandan djuo nan maladuangkar,  
Sadjak samulo denai katokan  
tidak dilatak dalam bati  
dilatak djuo di balakang  
badan ko djuo mananggungkan.

Kini baitu malah dek tuan usahlah tuan babaliak  
ka nagari Tandjuang Subaliak kokojo datang radjo Nang-  
kodoh Baha kamari awak den malah realawannjo baru-  
bek malah tuan dahulu disiko kok lai untuang baik di-  
kito sehat malah tuan babaliak".

Mandanga kato nan bak kian bangih berang Kam-  
bang Luari matonjo batambah sirah lalu mahariak ma-  
so itu: „Manolah kau Puti Bungsu usahlah banjak2  
kato djuo koknjo tidak namuah ksu denai nikahkan  
djuo radjo Nangkodoh Baha namun dihari nan sahari  
nangko denai bunuab djuo malah kau tidak siapa ka-  
malarang tidaklah ado urang nan ka mahambek - denai

tjaraikan kapalo djo badan kau. Denai ka kawin kini djuo 'ijo djo Puti Santan Batapih'.

Dek urang Puti Bungsu mandjawab djuo injo maso itu : „O tuan kanduang Kambang Luari sadjak samulo denai tagahkan, tuan pai ka galanggang Puti Santan Batapih tapi tuan tidak namuah denai tagahkan kinilah iko ka djadinjo.

Kini baitu malah dek tuan dek karano tuan harok di djangji hampo pitjajo tuan dimuluik manjib takitjuah tuan di kato2 nan lamak tidakkoh tahu tuan dinan sabananjo bahaso Nangkodoh Baha akan mambalehkan sakit batinjo nan dahulu. Dahulu kan lai injo datang kamari samaso bapak mamantjang galanggang ijo galanggang pantjari djudu untuak hambo injo mamintak kadjadi tang sumando kapado tuan tapi denai tulak pinanganjo sabab hambo lah tahu di karenahnjo alah dapek di hambo mangatahui budi djo akaljo'.

Bakato Kambang Luari : „Manolah adiak djanjo hambo usahlah adiak banjak2 kato usahlah adiak banjak2 rundingan djuo turoikkan denai ka halaman iko lah pisau nan alah tadjam ikolah gantang ka tampek darah kau'.

Kununlah dek urang Puti Bungsu ajia mato giriang gumiriang djatuh tjiyek djatuh duo nan bak maniak Putuih talinjo nan bak intan putuih pangarang mandjawab djuo injo maso itu : „Manolah tuan kanduang hambo kok baitu bana kato tuan denai nan tidak ka malawan tapi mananti malah tuan sakutiko njak hambo tanak malah nasi dahulu untuak adiak kanduang Tjindai Taberai'.

Alah sudah ditanak nasi sarato djo gulainjo lalu

diambiak adiak Tjindai Taberai dipaluak adiak ditangisi  
manangih ma isak2 bapantun babibo hati :

Sadjak ka Mungka urang digaduang  
banjaklah silato nan manggerai,  
Sadjak paningga ajab kanduang  
banjaklah sansiro nan dirasai.

Dilalokkan adiak kadalam buaian sanan bakato Pu-  
ti Bungsu : „Manolah tuan Kambang Luari roh melah  
kito pai karimbo elok disapan denai tran bunuah kok-  
njo disiko denai tuan bunuah kok tahu urang kampuang  
tidaklah ka djadi mukasuk tuan tapi sungguabpun baitu  
bana mananti djuo malah tuan sakuribo njak hambo  
sanduakkan malah nasi untuak adiek kanduang Tjindai  
Taberai”, lalu disanduak malah nasi dibungkuih malah  
djo sambanjo dilatakkan kadalam kampa dimasuakkan  
kadalam buaian : „Adiak kanduang loklah loklah la-  
loklah adiak den buaikan”.

Ajia mato ba darai2 nan bak maniak putuih talinjo  
nan bak intan putuih pangarang lalu mamakai hanjo lai  
lah lakek kain dengan badju serato subang dengan ga-  
lang. Alah sudah basikek djo babadak lalu turun ka  
halaman dibiriangkan dek Kambang Luari. surang pun  
tidak ado urang nan batanjo dipalutuih sadjo kadalam  
parak dirjari djalan mamutuih alah tibo dilua kampuang  
handak maodjalang padang giriang2 lapehlah pulo dari  
sanan alah tibo ditapi rimbo sanan bakato Puti Bung-  
su : „Manolah tuan kanduang hambo kok buliah pin-  
tak djo pinto usahlah kawin tuan djo Puti Santan Bata-  
pih koknjo kawin djuo tuan bialah denai basusah pa-  
jah denai rjarikan malah nan kapatuik nan sarolok sa-  
bandingan djo tuan”.

Sanan mandjawab Kambang Luari : „Usahlah banjak2 kerjek usahlah banjak2 rundingan disiko sadjolah adiak denai bunuah tidak guno dirimbo gadang disinan ka mati disiko ka mati djuo kok hari alah barembang patang djuo buliah nak lakeh denai babaliak ijo karuah Tandjuang Subaliak urang kok lah panek manantikan den”.

Mandanga kato nan bak kian lalu mandjawab Puti Bungsu : „Toh melah kito agak ka dalam rimbo gadang buliah nak suni dari urang nan lalu koknjo disiko denai tuan bunuah kok tampak dek urang kampuang tidaklah ka djadi mukasuik tuan”, lalu badjalan djuo samaso itu.

Alah tibo ditengah rimbo gadang dek urang Puti Bungsu ditjubo djuo mamudjuak Kambang Luari tapi ruponjo tidak dapek di lalukan kabanaran lai ijo lah sangaik bana batuka pikirannjo sanan manangih Puti Bungsu :

Gadang tansiun di Lubuak Aliang  
disimpang djalan rang ka balai  
nan dimuko kantua angku Kapalo,  
Sadjak paningga ajah kanduang  
banjak sangsaro nan den rasai  
kini ka tuan bunuah pulo.

Ka hiliz djuo malah painjo  
ka mudiak ka rusuak lepau,  
Ka gudia djuo malah tubuah nangka  
nan bak kain dimamah kabau.

Tidaklah lamo antaranjo lah tampak rumpun pua banjak sanan bakato Kambang Luari : „Manolah adiak den Puti Bungsu baranti malah kito disiko eloklah



disiko adiak denai bunuah".

Mandjawa Puti Bungsu : „Djiko ka tuan bunuah, djuo manantilah ruan sakutiko“, lalu diluluh galang djo subang sarato djo tjintjin nan didjari dibukak polo maniak dengan rantai lalu dibungkai djo sapatangan nja mato badarai djuo. Alah sudah sado nan bak kian basanda injo ka batang kaju lalu bakato maso itu : „Manolah tuan kandung Kambang Luari ruan bunuahlah denai kini denai nan tidak ka melawan buliah nak pai tuan babini nan ka pambajia badan den nangko alah ka sanang bana hati tuan“.

Lorong kapado Kambang Luari tidaklah ado nan di atjuahkannjo awaknjo basigap hanjo lai diambiak malah pisau maso itu lalu ditikamkannjo pisau kalihia Puti Bungsu darah manjambua maso itu ditampuangnjo dengan gantang diambiak malah kain pandjang Puti Bungsu disaoknjo malah bangkai Puti Bungsu. Gadang harinjo tidak tabado lalu badjalan harjo lai ijo malah tidak ado manatuah hibo dihatinjo dek lah digaro Sje-tan djo Iblis.

Kununlah dek Puti Bungsu nan bak sarupo tjatjang kanei tokok lah taganang darah samaso itu Allahu Rabbi nan karahu nzmun baitu bana lorong kapado Kambang Luari tidaknjo ado malihek kabalakang ba lari2 sadjo maso itu tabuang darah dipatjknjo djuo dek tjatek awaknjo balari alah tibo dibalaman rumah gadang lalu diratjak kudo hanjo lai dipatju sakali ka nagari Tanjung Subaliak tidak ado injo malibek kiri kanan.

Dek lamo lambek nan didjalan djauah basarang dakek djuo kok dakek libolah garan ijo dibalaman rumah Puti Santan Batapib sanan batamu djo radjo Nangkodoh

Baha lalu bakato Kambang Luari : „Manolah tuan Nangkodoh Baha salorong parentah alah hambo lakukan ikolah tabuang darah nan alah panuah ijolah darahhojo Puti Bungsu alah batjarai njao djo badanejo ikolah pisau nan pambunuahejo tjako alah kasanang hati tuan”.

Mandanga kato nan bak kian lorong kapado Nangkodoh Baha lalu ditjaliak tabuang nantun tampaklah sanan darah biduik Allahu Rabbi gadang hatinjo sadjuak rasonjo paratian galak tababak maso itu :

Lorong dek Kambang Luari bakato injo maso itu : „Manolah tuan Nangkodoh Baha pabilokoh denai kawin elok sugiro malah tuan usahlah di lambek2kan djuo hati basarang gundah djuo”.

Sanan mandjawab Nangkodoh Baha : „Manolah adiak kanduang Kambang Luari salorong tantangan nantun tidak usahlah baguluik bagalosang urang pantjameh gadang kanai bialah lambek asal selamaik tidaklah guno adiak tagemang tantang itu. Urang pantjameh lakeli kanai urang panggamang mati hanjuik kini baitu malah dek adiak bukaklah pakaian nan rantjak nantun deta tukari djo saok kampaia badju tukari djo kulit tarok kankan sadjo sarawa karok ikolah sabit dengan radjuik sabitkan malah rumpuik untuak kudo usalah malah tantang itu kudian buliah adiak kawin”.

Dek urang Kambang Luati dituruik sadjo kato nantun alah dibukak pakaian nan rantjak lalu dilakekkan badju buruak sarawa buruak diambiak sabit dengan radjuik badjalanlah injo pai manjabit rumpuik.

Alah pai injo manjabit rumpuik katanah banto ba-

haru sakali mabelokan sabit, lah luko tantang djari ma-  
 nih maklumlah kito tantang itu awak nan mandjo sa-  
 djak kerek sakali balun bakaradjo bama alun paraneh  
 mangakok sabit sanan manangih Kawang Luari paruik  
 alah taraso litak sanan takana dina bana manangih  
 sambia bapantun :

Pindjahit Tjino den djahitkan  
 den ambiak pandjahit langan badju,  
 Kinilah baru den ijokan  
 pirsruah adiak nan dahulu.

Tidaklah guno kapasa lai  
 djaguanglah sudah den cogakan,  
 Tidaklah guno den manjasa lai  
 untuangleh sudah djo bagian.

Hiliakan labuah rimbo pandjang  
 tikuluak nan usah dibasahi,  
 Dahulu den tompang hati gadang  
 kiniko badan denai sasali.

Tabanglah anak si balibih  
 hinggok diputjuak kaju Haro,  
 Dek geneng harato habih  
 dek tjongkak badan binaso.

Pitalah djo Bungo Tandjuang  
 disanan balainjo lai rami,  
 tidaklah denai manjasa untuang  
 djarek sarato djo djarami.

Mak denai saruangkan malah badju  
 sabab karano dibadju den,  
 Mak denai tanggungkan malah dahulu  
 dek karano ditaku den

Hari lah badarok patang hanjo lai lah didjudjuang  
malah radjuik manudju injo kakandang kudo lalu diba-  
ri makan kudo. dapek upahnjo karak babijak itu kara-  
djo tiok hari.

Kapa balajia ka Bingkahulu  
nan balajia manjonsong angin,  
Di aliah kaba malah dahulu  
aliabnjo kapado nan lain.

Adolah saurang radjo nan banamo Sutan Radjo Ali  
baduo dengan adiak kanduangnjo nan banamo Sutan Ra-  
djo Budjang urang ranah tanah Pakapuran nan ditereng  
gunuang Timbulun. Kan injo pai baburu kidjang lah  
sasek didalam rimbo lah tapisah injo baduo lah batja-  
rai injo maso itu.

Lorong kapado Sutan Radjo Ali tampaklah dek injo  
buruang balam sikua diateh kaju lalu ditenok malah si-  
napang sadang mambidiak nantun buruangpun tabang  
kakaju nan lain dituruikkan sadjo samaso itu. Alah pa-  
nek injo manuruikkan lalu bataduah dibawah kaju ga-  
dang baru ribo injo disanan tampaklah tabudjuo surang  
urang basaok djo kain pandjang lalu didjagokan malah  
urang nantun rapi himbau nan tidak basahuti dihampi-  
ri malah hanjo lai lalu dibukek malah kain nantun ta-  
kadjuik sanan Sutan Radjo Ali dilihek ruponjo urang  
mati badabiah diraso pagalangan tanganjo ruponjo lai  
mandanjuik djuo ditjaliak rupo romannjo rantjak nan  
bukan alang2 djatuah hibo didalam hati tamanuang sa-  
nan Sutan Radjo Ali. Ditjari ubek didalam rimbo lalu  
dilakekkan malah ubek sarato dengan panawanjo.

Alah sabulan lamonjo didalam rimbo gadang nantun  
alah tabu Puti Bungsu didirinjoo sanan bakato Sutan

Radjo Ali : „Manolah tuan Puti djanjo hambo dangakan malah elok2 kok disabuik namo tidak tahu dimano bana dusun djo nagari dimanokoh kampuang djo halaman rjurai paparkan malah pado hambo”.

Mandanga dikato nantun heran tarjantang Puti Bungsu ditjaliak suok djo kida tidaklah ado urang nan lain lah njato awak didalam rimbo gadang.

Lamo sabanta antaronjo sanan bakato Puti Bungsu : „Manolah tuan djanjo hambo koknjo itu tuan tanjokan tidaklah rakana lai dek hambo tidaklah guno disabuik bana kini nangko ato hanjo dari hambo rilahkan malah djariah pajah tuan budi tuan hambo tarimo tidak djo apo ka dibalah”.

Mandanga kato nan bak kian mandjawab Sutan Radjo Ali : „Siapolah garan namo Puti buliah nak tantu hambo mahimbaukan”.

Mandjawab sanan Puti Bungsu : „Kok itu tuan tanjokan namo hambo ijolah si Bungsu urang panggikan”. Dek urang Sutan Radjo Ali bakato djoo maso itu : „Manolah Puti Bungsu djanjo hambo kok lai suko adiak toh malah kito pai ka kampuang ijo ka nagari tanah Pakapurau nan dilereang gunuang Timbulun tidak guno kito lamo disiko dangakan dek Puti pantun hambo :

Di rimbo tidak barjapo  
antah kok diladang padi-pulitik,  
Dek hambo njak mambao  
antah kok dek urang nan ka manuruik.

Melah kito pai ka dusun taratak hambo ijo ka dangau pondok buruak”.

Sanan mandjawab Puti Bungsu : „Tipak dibadan

diri hambo dangakan dek tuan elok2 ;

Djiko baitu ruik rotan  
namuah pangabek padi rimbo  
tjapo sarumpun djo andaleh,  
Djiko baitu kato tuan  
suko djo riilah hambo tarimo  
djaso tuan balun lai tabaleh.

Bia pan djapuit2 ajia bia pan tjari2 kaju djo suko  
hati hambo manuruik".

Mandanga pantun Poti Bungsu galak rasanjum Su-  
tan Radjo Ali sanan bakato hanjo lai : „Toh melah  
kito barangkek malah lai tidaklah guno kito lamo di-  
siko". Alah badjalan hanjo lai badjalan ba hiriang2 di-  
turukkan arah matohari tabanam dek lamo lambek di-  
djalan alah lapeh dari rimbo gadang handak manam-  
puah padang ribo2 lapehlah pulo dari sanan alah talem-  
pu pulo padang sikalamuntiang sanan basuo labuah  
gadoang.

Alah tigo hari lamonjo badjalan lah tibo tjandonjo  
di tepi kampuang ranah Tanah Pakapuran diansua djuo  
malah badjalan lah tibo dalam kampuang disonsongkan  
dek Dubalang nan barampek sanan manjambah Duba-  
lang nan barampek : „Ampunlah kami dek tuanku ma-  
nuruik barito dari Sutan Radjo Budjang bahaso tuanku  
nasek djalan didalam paburuan tjamehlah kami nan ba-  
samo alah kami silau tempek paburuan tidaklah tana-  
nan basuo. Usahlah tuan salah tarimo salorong tanta-  
ngan tuan Puti nangko bari tarang malah dek tuan  
nak sanang didalam hati suni didalam kiro2",

Sanan mandjawab Sutan Radjo Budjang : „Manolah  
Dubalang nan barampek koknjo itu Dubalang tanjokan

manuiklah pulo barjameh hati tapi samantang pun bairu  
tidakkah ka baiknjo kito ka ustano dahulu disanan ki-  
to ba birjang?".

Alah naik Sutan Radjo Ali sarato dengan Puti  
Bungsu ijo ka ateh rumah gadang dihiriangkan dek  
Dubalang nan barampek. Satibo di ateh rumah taka-  
djuik Sutan Radjo Budjang dek manjaliak kakaknjo  
alah babaliak baduo pulo djo suarang pampuan sanan  
bakato maso itu : „Daulat kakak kandung hambo lai  
djuo moh kito ka basuo kok tidak Tuhan nan man-  
long mungkin tidak batamu lai.

Nan masaso denai pai djo tuan ijolah pai baburu.  
kan hambo manuruikkan salak andjiang. Diwakatu ba-  
baliak katampek samulo djalan nan tidak tentu lai ka  
ditampuah itulah sababnjo mangko kito tapisah“.

Lorong kepada Sutan Radjo Ali lalu ditjaricokan  
joro malah parasaan samandjak tapisah dari adiaknjo  
sampai batamu djo Puti Bungsu. Aloran di Dubalang  
nan barampek alah sanang hatinjo maso itu kuounlah  
dek si Kambang Biduro Sati nasi alah tahedang djo dju-  
adahnjo sanan bakato sambia bapantun :

Ramilah pakanjo rang Sacuas

pakan dek anak rang Tilatang

Parenai malah tuan makan bisamo

nasi nan alah hambo hedang.

Alah makan dang ba samo2 makan saruok duo su-  
djukaik katigo injolah kanjang alah salah marokok  
nakan siriah sanan bakato Sutan Radjo Ali : „Manolah  
alah kandung Puti Bungsu sarato djo Sutan Radjo Bu-  
djang koknjo lai sabarih sabalabeh lai saukua djo sa-  
djungko nan niat dihati denai sa buliab2 bali djo pinto

kokojo lai sasuai dikito mukasuik dihati denai ijolah handak kanduri halek kawin".

Mandanga kato nan bak kian sanan mandjawab Putri Bungsu : „Manolah tuin kandung kaduonjo dangakan malah dek tuan elok2 usahlah tuan salab tarimotipak dibadan diri hambo tidaklah ado ka manupang tapi sungguh pun baitu bana ado saketek nan marusuah guno baik tuan tabalah balun".

Aiah panek ba bintjang2 dipeklah kato samufakat rundingan sasuai maso itu lalu dirjari hari nan baik kutiko nan elok ijolah hari Kamih patang Djuma'at ijo sabulan sasudah itu urang pun basadio hanjo lai satangah pai karimbo mantjiri pakajuan satangah mamboek balai2 ado nan manumbuak padi ba matjam2 karadjo nan dikakok.

Hibih hari baganti hari habih pakan baganti pakan aiah sampai sabulan kalamonjo tibolah hari nan kutiko nan elok dipatang Kamih malam Djuma'at lah hadir Pangulu djo Handiko sarato Imam dengan Chatib tju-kuik rang Tjadiak Pandai dalam nagati Tanah Pakaputan. Lorong kapado Tuanku Kadhi lah dibatjokan katubah nikah idjab djo kabul alah salasai urangpun mandota hanjo lai sasudah minom dengan makan sarato marokok makan siriah halek mamuhun pulang hanjo lai ijo katampek masiang2.

Masaklah padi ladang rimbo  
dihiriak urang Bukit Batu,  
Salam ta'azim badan hambo  
Kaba batallah tantang itu.

Aliahnjo kapado adiak kandung nan banamo Tjindai Taberai samandjak paningga kakakojo Putri Bungsu



biapun umuanjo limo tahun baru tahu polo dihati rusuah  
tuk hari injo batanjo kapado si Kambang Manih. Dek  
urang si Kambang Manih dipudjuak djuo ba elok2 di-  
urang dibao ba main2. Alah sapakan Puti Bungsu ti-  
dak ado babaliak injo nan pai baduo djo kakaknjo Kam-  
bang Luari urangpun manaruah tjameh didalam hati di-  
lananlah baharu mufakat anak nagari pai mantjari dila-  
peh urang hilia djo mudiak satengah pai katimbo sa-  
tengah pai ka nagari nan sakuliliang.

Adolah pado suatu malam sadangojo si Kambang  
Manih sedang lalok lamak naiklah urang maliang ba-  
rumppek urang diambiaknjo pakaian nan tagantuang didin-  
dang sarato taruih injo kabiliak ijo katampek- Puti  
Tjindai Taberai tidua. Satibo didalam biliak ruponjo  
Puti Tjindai Taberai alun lai tidua saan mamakiak Pu-  
ti Tjindai Taberai urangpun tsintak kasendonjo.

Lorong kapado urang maliang nerusa malompek  
injo kahalaman lalu lari kalua kampuang. Kununlah  
dek urang kampuang dipakadjakan ba samo2 tpi tidak  
takadja doh lariojo urang maliang nantus urangpun ba-  
baltak hanjo lai ijo karumah Puti Tjindai Taberai. Sa-  
mandjak wakatu itu rumah didjago aeh Dabalang.

Buruang banamo buruang Pansa

tabang marahok kaparak tabu,

Kaba baraliab hanjo lai

alihanjo kapado Puti Bungsu.

Habih bulan baganti bulan alah tibo pambari Allah  
lah Damiil Puti Bungsu tidaklah lamu antaronjo lah tju-  
tuk bilangan bulannjo tibolah maso pambari Tuhan  
alah lahia anaknjo laki2 lalu dibari namo maso itu ijo-  
lah Budjang Duano. Kununlah dek Budjang Duano ga-

dangnjo bak di ambuang2 nan bak birah ditapi lasuang diasuah dek dajang2 djo panginang.

Lorong kapado Puti Bungsu sasudah anaknjo lahia injo nan sakit2 sadjo alah banjak dukun nan mandesokan ubek kok ubek alah sapanuah rumah tipak dek Sultan Radjo Budjang rusuahlah hati mangiroi tidak tantu barang nan ka dikakokojo.

Adolah pado suatu hari sadangnjo Puti Bungsu mangalah dilangkan rumah sanan lalu urang mandjodjokan kain lalu disuruah himbau dek si Kambang Biduan Sati urang nantun alah naik urang manggaleh sanan baranjo urang manggaleh : „Manolah tuan Puti djanjo hambo apokoh sibabojo hambo dipanggia tuan Puti tarangkan malah djalah2 buliah nak sanang didalam hati nak sadjuak didalam kiro2”.

Sanan mandjawab Puti Bungsu : „Manolah tuan urang manggaleh tjuholah kambangkan dagangan tuan koknja lai ado nan katudju dek hambo”. Lorong kapado urang manggaleh lalu dikambangkan barang dagangan njo langkoklah kain djo saruang Bugih sarato salendang sulaman Puti2. Takalo Puti Bungsu malibek kain salendang tasirok darah didado putjeklah rupo sakutiko gumanta rasonjo pasandian takana dikain nan dahulu ijolah kain salendang pusako mandehojo lalu baranjo mato itu : „Manolah tuan urang manggaleh hari luruhi hambo batanjo dimanokoh tuan dapek mambali kain nangko usahlah tuan bakato duro”.

Mandjawab urang manggaleh : „Kok itu nan tuan Puti tanjokan aluran dikain salendang nangko baharu hambo bali dari urang dilapau tjako ijolah dilapau Sultan Karunia nan balapau ditangah pasa kok namo urang

nan mandjua kain salendang nangko ijo indak djalah dek hambo".

Sanan bakato Puti Bungsu : „Manolah tuan Dubalang nan barampek pailah denai suruah denai sarajo kiti djuo. Baolah urang manggaleh nangko ijo kalapau Suran Karunia tjari dek tuan urang nan mandjua kain nangko.

Koknjo tidak dapek dek tuan urang nantun usahlah tuan babaliak kamari sabab baitu kato hambo ikolah pusako mandeh kanduang hambo lai batando bahikimat libeklah dek tuan djalah2 kok indak basah kain nangko dimasukkan kadalam ajia itulah hikimat salendang nangko kok rondonjo nan ka disoalk tiok suduik mamakai tando salah banang".

Dek urang Dubalang nan barampek bakato djo urang nan manggaleh lalu ditjaliak suduik salendang nantun kironja ijo ado nan salah banang sanan diambiak malah ajia diparian dicandamkan kain nantun. Allah Taha kajo sungguah ijolah indak basah kain nantun. Sanan nanjambah Dubalang nan barampek :- „Ampunlah hambo dek tuan Puti bari lah izin kami badjalan ijo badak mandjapuik Suran Karunia. Kok indak tabao dek kami urang nantun djo sajak isikan nasi untuak kami alah kasanang bari tuan Puti".

Alah badjalan Dubalang nan barampek dibaon malah urang nan manggaleh pai mantjari lapau Suran Karunia dek lamo lambek nan bak kian alah basuo lapau nan nan sanan batanjo Dubalang nan barampek : „Manolah Suran urang nan balapau bari luruik kami batanjo sia" itulah garan nan bagala Suran Karunia".

Sanan mandjawab urang nan balapau : Kok itu tuan

tanjokan nan bagala Suran Karunia ijolah hambo bana apo mukasuik tuan tanjokan tarangkan malah djalah2 nak sinang didalam hati tetjameh raso paratian".

Bakato Dubalang nan barampek : „Manolah tuan Suran Karunia ado sabuah nan handak kami tanjokan ijokoh tuan nan mandjua kain salendang nangko", lalu dihonjokkan kain nantun.

Dek urang Suran Karunia baru mantjaliak kain salendang nantun mandjawab injo maso itu : „Manolah tuan djanjo hambo salorong kain salendang nantun ijolah hambo nan mandjua kapado urang manggaleh mulo asanjo kain nantun hambo bali dari surang urang injo mangaku bagala Pandeka Manan kok indak salalu kain nangko mungkin lah kapunjaan urang rumahjo. Sibabjo hambo bati kain nangko kan ijo Pandeka Manan ado bahurang makan disiko".

Bakato Dubalang nan barampek : „Manolah tuan Suran Karunia dimanekoh kini nangko Pandeka Manan hantakan kami katampek kadiamanjo". Dek urang nan halapai lalu badjalan maso itu dibiriangkan dek Dubalang nan barampek .pai mandju karumah Pandeka Manan dek lamo lambek nan didjalan alah tibo dihalaman rumah Pandeka Manan taruih sakali naik ka ateh rumah baru tibo diateh rumah didipati Pandeka Manan sadang duduk badjudi maso itu.

Sinan takadjuik Pandeka Manan sarato batigo utang kawanojo nan lain lalu batanjo Pandeka Manan : „Manolah tuan Suran Karunia apo sababjo tuan datang kamari apo mukasuik didalam hati laikoh tuan kasato main mangapo urang tuan baso pulo".

Mandjawab Suran Karunia : Manolah tuan Pandeka

Manan mangkonjo denai kamari bana ijo basabab barano salorong kain nan tuan djua dahulu", lalu dithekkkan kain nantun.

Bikato Pandeka Manan : „Djadi mangapo garan karonjo mangko dibao baliak kain nangko tidakkoh djadi tuan ambiak bukan toh alah tuan bajia”.

Dek urang Dubalang nan barampek tidaknjo tahan hati lai mandangkalan lalu bakato maso itu : „Manolah tuan Pandeka Manan kini baitu malah dek tuan hari luruh hambo batanjo dari manokoh, garan kain nangko dimanokoh tuan bali dahulujjo tuan tarangkan malah pado kami buliah nak tantu kami mangiroi”.

Sanan mandjawab Pandeka Manan : „Manolah tuan nan batanjo koknjo itu tuan tanjokan apo gunonjo tuan turun tjampua tidakkoh tabu tuan dihambo iko nan banamo si Badu Atai nan bagala Pandeka Manan pandeka kalua djo kadalam”, lalu tagak matjek langkah.

Dek urang Dubalang nan barampek dek mantjalik kalagatnjo Pandeka Manan sadjak samulo alah basiap basadio sadjak dari mulonjo naik karumah tidaklah dibarinjo bahinggo malah lai kaki lah pasiah dek barjakk tanganlah mada dek mamaktak lalu disimpainjo Pandeka Manan tjekak mandjadi samaso itu ijolah barampek lawan barampek tjentang parenang didalam bilik taruh baharak katengah rumah lalu sampai ka halaman.

Lamo djuo parkalahian nantun dek urang sigap samaso sigap tapi malang katumbuah pado Pandeka Manan sarong langkahnjo tagak didjandjang kanai dek kaki Dubalang Gagah radjirambok djatuah ka halaman samaso dilompeki dek Dubalang Gagah tanganjo rpek

mantjakiak lihia Pandeka Manan. Dek kuatnjo tangan Dubalang Gagah mantjakiak nantun hampia tabudua mita Pandeka Minan samaso itu tidaklah injo dapek manggarik lai kungkuang lakek santuangpun tibo sanan mangampun Pandeka Manan.

Alah sudah tjakak djo kalahi lalu dibao urang nan barampek nantun pai manghadap radjo ijolah Sutan Radjo Ali : „Manolah tuanku radjo kami ampunlah kami dek tuanku sababnjo mangko sadamikian dek kami Dubalang nan barampek manarimo parentah dari dahulunjo koknjo lunak kami sudu koknjo kareh kami takiak nan sarantang urang nan barampek nangko kan injo malawan pado kami alah panek dengan lunak tapaso kami mangarehi djapuik tabao dek kami kamari.

Salorong urang nan barampek oangko ikolah urang nan mantjatjuah nan mantjatjau injolah nan mamaliang karumah Puti Bungsu”.

Baru mandanga dikato itu sanan bakato Sutan Radjo Ali : „Manolah tuan Dubalang nan barampek kini baitu malah dek tuan baolah urang nangko ka Balairong Sri disanan malah kito sidangkan koknjo paruik piutang bararimo kokojo hutang ka dibajia. Kini baitu malah dek tuan Budjang Selamat palu malah tabuah nan Larangan himpulkan sagalo anak nagari usua malah Pangulu djo Handiko ijo katampek Balairong Sri”.

Dek urang Budjang Selamat lalu diambiak malah roran sonsong sanan dilatjuik tabuah nan Larangan sembai manjembai tabuah nan banjak tabuah Djuma'at panjangudahi. Alah bahimpun urang gadang ketek nan dilurah datang mandaki nan dibukit alah manurun tidak tabado banjak ummat tidak tamuek dinan lapang dinan

luduang alah panguah pulo sanan manjembah Pangulu dalam kampuang : „Daulat tuanku radjo kemi empunlah kami dek tuanku apokoh sababnjo tabuah babunji di-manokoh parit nan tarampa adokoh Pangulu salah hukum adokoh Dubalang rabuik rampen itaokoh rando depek malu nagari manokoh nan manjarang tuanku rancang malah pado kami buliah nak tantu pulo kami mangiroi”.

Sanan manitah Sutan Radjo Ali : „Manolah Niniak Mamak dalam nagari sarato Basa djo Pangulu mak sato Imam dengan Chatib pun sagalo anak nagari tuo djo mudo. „Bukanlah ado sado nan bak hian” sato hanjo ado sabuah kan ijo samaso leh tjako tipak dek Dubalang nan barampek ado injo manangkok urang barampek urang nan tuonjo banamo si Badu Atai nan bagata Pandeka Manan sababnjo mangko urang nantun ka ditangkok rasuo bukti nan dimaliangnjo ijolah kain selendang kain pusako malah dek tean Puti Bungsu.

Mingkonjo kain nantun djaleh nan bahaso pusako dek Puti Bungsu ado batando bahikimat kok tandonjo nan ka disabuik adolah salah banang tiok suduknjo kok hikimatnjo nan ka didjalehkan tidaknjo basah kain selendang nantun dek ajja. Kini baitu malah dek Pangulu djo Handiko tjubolah pareso perkara nangko buliah nak tantu hukuman nan ka dititiakkan ijo manuik sitjaro adat kito tangan mantjantjang bahu mamikun buliah hutang nak babajaan kok piutang nak batarimo”.

Dek urang Pangulu djo Handiko sarato Imam dengan Chatib pun djo urang Tjadiak Pandai dalam nagari lalu diudji malah kabanarannjo. Kan ijo maso leh

nantun, tidaklah basah kain salendang tu dirandamkan kadalam ajia tidakno namuah hanguih dimakan api pun ditiok suduikojo ado batando salah banang ka ampekno.

Lorong kapado Pandeka Manan baru mantjaliak nan bak kian rapatjak paluah dikaniang gumanta raso pandian adang2 metrah warono mukonjo adang2 putjek nan bak kain ganiah. Sadang injo tapakua nantun sanan batanjo Pangulu Tuo : „Manolah Pandeka Manan djanjo hambo kini lah djaleh tando betinjo alah basuluah matohari alah bagalanggan mato rang banjak tarangkan malah elok2 ba apo sadjak samulonjo usahlah bakato nan bukan2. Kokojo tasuo dikato duto batambah malah hutang nan ka dibajia”.

Dek urang Pandeka Manan tidaklah ado tampek mahilak lai bukti lah tjukuik kasadonjo mangakulah injo hanjo lai : „Kok itu nan ditanjokan itulah kato nan sabananjo sarantangan, kato nantun ijolah dspek maliang dek hambo ijo diromah Radjo Mudo nan diranah Duo Buleh Koto”.

Kununlah dek Puti Bungsu baru mandanga dikato nantun sanan manangih manggaruing pandjang takana diadiak nan ditinggakan ba apolah garan injo kini salaruik salamo nangko tidak tabatiak tabarito dek injo ijo kapado suaminjo Sutan Radjo Ali.

Dek urang Sutan Radjo Ali mantjaliak rupo nan bak kian tidak tataan hibo hati sabaklah pulo batinjo mamikiri sanan batanjo maso itu : „Manolah adiah kanduang Puti Bungsu apo kolah sabib karanonjo mangkanjo adiak manangih mandangkalan laikoh ado nan tarangkan malah dalam parkero iko nangko tarangkan malah tado hambo buliah nak tantu nan ka dikaradjokan”.



Sinan mandjawab Puti Bungsu: „Manoleh tuan kanduang hambo djundjungan hambo dunia schirat bapak kontan dek Budjang Duano salotong tangan itu bama mataf hambo banjak2 sabab baitu kato hambo nan tsabuik tuanku Radjo Mudo ijolah radjo nan ditans Duo Baleh Koto itulah bapak kanduang dek hambo ta- ja malang nan tidak dapek ditulak baliu kan alah mara- pulang mangkatnjo sarangkek djo madoh kanduang nan banamo Puri Rando Kajo”, aja maro giriang gumi- tiang nan bak maniak putuik talinjo nan bak intan putuik pangarang djatuah tjiyek djatusa duo sabaklah pulo urang nan banjak.

Pihak kapado Sutan Radjo Ali tidaklah tsetahan pu- to hati mandangkalan lamo sabanta antaronjo sanan bakato Pangulu Tuo: „Ampunlah kami dek tuanku mamintak kami sungguah2 koknjo lai kato samufakat nan sarantangan urang maliang nangko eloklah kito dja- tuhkan hukumanjo ijolah nan satimpal djo kasalahan- jo nan manuruik tjaro dikito tadorong mutuik ameh tabusanjo talantjang tangan djo badan tabusanjo. Pu- lang maklum pado Pangulu djo Handiko”.

Dek urang Pangulu djo Handiko baco manarimo tsetah nantun lalu dilakukan malah hukuman banjo lai itulah manuruik adas nan alah lazim dikito tangan di- bak kaduonjo ijolah ripak dek Pandeka Manan dan tsetah tigo urang kawannjo dipotong tanganjo saba- lah sarang.

Allahu Rabbi samaso itu darah a'el mangalla diha- man Balaitong Sari tidak tabado taku lajo anak naga- dek mantjaliak nan bak kian ado saranggeh nan ri- tak takao malibek tangan bapotong nantun lalu badjalan

lah injo simaso itu.

Alah sudah sado nan bak kian urangpun babaliak hanjo lai ijo karumah misiang2 alah sapakan duo pakan tjukuik katigo pakan nan habih sanan bakato Suran Radjo Ali : „Manolah Dubalang nan barampek basiap malah tuan kini nangko kito ka pai karanah Duo Baleh Koto ijo ka kampuang halaman Puti Bongsu pai malihék adiak kanduang nan disanan ijo banamo Puti Tjindai Taberai”.

Dek urang Dubalang nan barampek alah basiap hanjo lai lah tjukuik sagalo parbakalan sanan manitah Suran Radjo Ali : „Manolah tuan Pangulu Manti Tuo namun dihari nan barisuak kami ijo bandak ka pai ka nagari Duo Baleh Koto. Lorong kapado pamarentahan didalam nagari nangko hambo sratikan malah pado tu-an sarato kapado adiak kanduang hambo nan bagala Suran Radjo Budjang. Koknjo Dubalang nan barampek bialah nak pai djo kami dang kasanan”.

Alah sudah ba bintjang2 alah selasai sagalo pakardjaan harilah malam hanjo lai malam badjawek dengan pagi alah kiro2 sapanggalahan mato hari naik alah tasadio kudo tudjuah ikua langkok mambao parbakalan barangkektah Suran Radjo Ali sarato djo Puti Bongsu dengan anaknjo Budjang Duano dihiriangkan dek Dubalang nan barampek dilapeh dek Suran Radjo Budjang sarato djo Pangulu Manti Tuo tjukuik Alim Ulama djo Tjadiak Pandai dalam nagari.

Dek lamo lambek nan didjalan alah banjak dusun nan talampau banjaklah pulo nagari nan alah dilalui djuaah baserang dakek djuo alah tibo garan disanan ijo didalam nagari atok tungku nan ditanah Duo Baleh Koto.

Lah ribo didalam Koto disonsongkan dek Pangulu Nagari : „Daulat tuanku radjo nan datang sa buliah2 bali djo pinto mintak tatang kami dek tuanku. Dari manokob tuanku datang, apokoh mukasuih djo sangadjo tuanku tarangkan malah pado kami buliah nak sanang didalam hati nak sunji didalam kiro?”

Sanan mandjawab Sutan Radjo Ali : „Manolah bapak Pangulu Nagari barilah ma'af kami dek bapak salorong kami nan datang nangka ijolah dari rasah Tanah Pakapuran nan ditereng gunuang Timbulun. Mukasuih sangadjo datang kamari ijo handak manemui bapak banna sarato djo dunsanak nan lainjo”

Mandanga dikato nantun agak tafjantang Pangulu Nagari kato sarupo batudjuan ado mukasuih djo sangadjo lalu batandjo djuo nan djadi : „Manolah tuan radjo nan datang tipak dikami nan dinagariko urang lalu lai dibao singgah kununlah pulo ado mukasuih djo sangadjo”.

Dek urang Puti Bungsu salamo urang ba bintjang2 tidaklah tahan didalam hati lalu bakato maso itu : „Manolah bapak Pangulu Nagari bari ma'af kami dek bapak mamintak kami pado bapak salorong adat nan bapakai diko radjo nan datang radjo pulo nan pananti djiko Puti nan datang Puti pulo malah pananti”.

Pihak dek Pangulu Nagari agak sirah warono munjo taraso bana didalam hatinjo di agak2 dipikiri katinjo radjo kan ijo lah marapuluang Salun lai ado kaminjo. Bakato djuo injo nan djadi : „Manolah tuan Puti djanjo hambo kok itu nan luar Puti katokan itu lah kato nan sebananjo tapi sungguh pun bairu bana malang nan tidak dapek kami tulak tudjuo nan tidak

dapek kami raih kok patah ijolah balun tumbuah kok hilang ijolah alun baganti. Kini kaitu malah dek tuan Puti parenai malah tuān ka Balairong mak disanan kito ba bierjang2".

Alah turun tjando dari ateh kudo lalu badjalan manudju Balairong Sari dek lamo lambek nan didjalan alah tibo di Balairong Sari sanan bakato Pangulu Nagari : „Manolah Budjang nan piawai pailah djapuik tuān Puti parenai malah datang ka Balairong Sari katokan bahaso ado radjo nan datang".

Dek urang Dubalang nan piawai badjalanlah injo ba guluik2 ijo karumah Puti Tjindai Taberai dek lamo lambek nan didjalan alah tibo di halaman rumah gadang sanan bakato Dubalang nan piawai : „Manolah atjiak den si Kambang Inai ado sabuah nan paralu tolong dek atjiak djo bierjaro suruah mamakai malah tuān Puti Tjindai Taberai adolah radjo nan datang kamari sarato dengan parmaisuri dihiriangkan Dubalang batampek urang basugiro malah atjiak tantang itu denai mananti di Balairong".

Lorong kapado si Kambang Inai lalu dituruik malah sanan Puti Tjindai Taberai didapati injo sedang mandjahit manarawang alah baumus kito2 sapuluah tahun lamaso itu sanan bakato si Kambang Inai : „Manolah Puti Tjindai Taberai basalin pakaian malah dahulu kito ka pai ka Balairong ado paralu garan kini".

Tidaklah lamo antaronjo alah sudah injo mamakai kok ditjaliak rupe dipandang roman sarupo pinang di balah duo dengan Puti Bongsu alah lakek badju kuning merah djambu lah rakanak pulo tikuluak kato kasumbo merah taruang tjukuik djo galang dengan subang

tarato djo maniak rantai antimun. Lala turun dang ka halaman sanan bakadja bajang2 diri babunji tjakak akeh paran mantjaretjeh situpai djandjang maringih kudo dalam kandang malanguah bantiang nan bapaut baitulah garan samaso itu tatakalo Puti turun dari rumah.

Badjalaulah Puti Tjindai Taberai dihiringkan dek bajang2 djo panginang dek lamo lambek nan didjalan akeh tibo di Balairong Sari sanan disonsongkan dek Pangulu Nagari lalu dibao naik ka ateh Balairong. Dek terang si Kambang Manih nan mahiringkan Puti Tjindai Taberai baru maampak Puti Bungsu lalu maniarab maso itu: „Ampunlah hambo dek atjiak Puti Bungsu tidaklah denai sangko samulonjo lai djuo malah denai ka basuo :

Manga kesiak di serakkan  
diparak banjak ba banto,  
Manga denai atjiak cinggakan  
pai nan tidak babarito.

Atjiak den Puti Bungsu kok sarano tidak atjiak babaliak habih dagiang tulang denai reruik”.

Kununlah dek Puti Bungsu mandanga ratok si Kambang Manih tidak tatehan pulo dang hainjo aje mantri giriang gumiriang nan bak maniek putuuh talinjo nan bak jantan putuuh pangatang sanan dipaluak adiak kandiuang lalu ditjiumi maso itu ba bigai2 bunji panman man daju2 paratian.

Lorong kapado Puti Tjindai Taberai alah rahu injo dikakaknjo lalu manangih ma hisak2 Allahu Rabbi samaso itu urang nan lain pun alah sabak pulo.

Alah lamo ba tangihzan rakana bana samaso itu dek Pangulu Nagari lalu manjambah hainjo lai: „Am-

punlah kami dek Puti Bungsu salorong kachilafan kami barilah maaf kami banjak2. Kini baitu malah lai parantai malah tuan Puti Bungsu mak sarato tuan radjo nan datang djo pangiriang baliu ka ustano kami mahiriang dibalakang".

Sanan badjalan Puti Bungsu dengan adiaknjo Puti Tjindai Taberai Budjang Duano dipangku dek si Kambang Manih sarato djo Pangulu Nagari sadang dek Sultan Radjo Ali dengan Dubalang nan barampek mananti di Balairong Sari.

Dek lamo lambek didjalan alah tibo dihalaman rumah gadang sanan mandariang salindik djantan manjaretjeh situpai djandjang maringih kudo balang kandih malanguah bantiang bapauik alah ditingkek tjando anak djandjang sanan bagojak tjando tunggak tuo heran ta. tjandang si Kambang nan banjak balari injo kasadonjo manudju ka langkan muko lalu dirjaliak malali sanan ruponjo Puti Bungsu lalu maniarab kasadonjo.

Dek urang Puti Bungsu tidak tabado hibo hati rumah batjampua djo risau ajia mato iriang gumiriang tabano kaloluah pasandian tabajang sanan bapak djo mandeh talinteh pitua mandeh kanduang :"

Dek karano padi alah batjapo nan disawah urang baparak, dek karano baik budi djo basorang djavah djadi dunsanak.

Lalu bakato maso itu : „Manolah bapak Pangulu Nagari kini baitu malah dek bapak sarantangan urang nan di Balairong tadi itulah djundjuangan dek badan bantiang bapak kanduang dek anak nangko ijolah si Bujung Duano nan baliu nantun bagala Sultan Radjo Ali

ijolah radjo dinagari Tanah Pakapuran nan ditereng gu-  
nuang Timbulun.

Kini baitu malah dek kito djapuik malah baliau  
dengan satjaro 'adat naikkan baliau karumah nango  
nan manuruik barib dja balabeh nan satjaro isti'adat na-  
gari kito. Koknjo ka kurangan kito tantang itu malu  
gadang malah dikito tidak tahu kito martabat radjo di-  
satan hino nan tak dapek ditutuik disitulah kito ta-  
djuo paham".

Dek urang Pangulu Nagari tarasu pulo kabanaran-  
njo kato Puti Bungsu nantun lalu bekato kapado Bu-  
djang Salamat : „Manolah Budjang Salamat djanjo ham-  
ho pailah den suruah den sarajo ijo mandjapuik Niniak  
Mamak djo Handiko sarato Imam dengan Chatib. Ba-  
ugiro datang ka ustano kini2 djuo ala bitjaro rumit  
nan ka dibitjarokan".

Lorong kapado Budjang Salamat bacjalanih injo ha-  
tjo lai lalu dibao baijo malah Dubalang Parit Paga  
untuak manjampaikan parentah nantun.

Alah tibo wakatu 'Asar tjukuiklah sagalo Niniak  
Mamak sarato Imam dengan Chatib pun sagalo rang  
tjadiak Pandai dalam nagari sadang bamufakat maso  
itu diateh rumah ustano radjo ijo mantjari kato nan  
sanaai handak mandjapuik Suran Radjo Ali didjapuik  
injo satjaro 'adat ka dibao naik ka ateh rumah baitu  
'adat mambao rang sumando. Lah dapek kato samofa-  
'at pun nan tahadok hidangan sarato djuadahajo u-  
rang pun basadio hanjo lai.

Sasudah sambahjang Magrib dibao naik malah Su-  
'at Radjo Ali sarato Dubalang nan barampek tjukuik  
'at Imam dengan Chatib sarato Pangulu djo Handiko.

Lah sudah makan dengan minum dibatjokan do'a sala-  
mat urangpun babaliak hanjo lai katampek kadiaman  
masing2.

Habih hari babilang pakan habih pakan babilang  
bulan habih bulan babilang tahun lah sipuluah tahun  
pulo kalamonjo kokojo ketek dahulunjo kinilah ga-  
dang Budjang Duano baitu pun Puti Tjindai Taberai  
lah tibo ukuran djo djangkonjo ijolah handak dipasua-  
mikan sanan mufakatlah Puti Bungsu dengan Suran  
Radjo Ali untuak ka mamantjang galanggang ijo ga-  
laoggang pantjari djudu nan kadjudunjo Puti Tjindai  
Taberai.

Dapeklah kato samufakat lalu diusua pulo kapado  
Niniak Mamak sarato Imam dengan Chatib lungkok  
Pangulu djo Handiko. Tidaklah ado kato manumpang sa-  
hab lah tibo patuik djo djangkonjo baitu nan manu-  
ruik 'adat nanlah lazim sarato djo Sjariat nan bapakai  
urangpun basigep hanjo lai manjadiokan sagalo nan pa-  
satu untuak kalangkapan halek djamu.

Kok djauh surek dikirimkan kok dakek kulansiang  
tibo aluran sagalo nan manuruik 'adat radjo2 tidak sa-  
rupun nan katinggalan tjukuiklah duo bulan urang ba-  
karadjo lah sudah malah galanggang nantun langkok  
batirai bamarawa baukia ba mego2 halekpun bamulai  
hanjo lai.

Balam timbago tigo gajo  
murai bakitjau ateh pintu,  
Salam tazim badan hambu  
kaba baraliah tantang itu.

Alihanjo kapado Nangkodoh Baha lah sampai hari-  
nan didanga babaso galanggang Puti Tjindai Taberai



lah duo bulan lamonjo rami lalu bakato maso itu. Manolah adiak Kambang Luari pai malah djapuk kudo dari kandang lakekkan sakali malah palanonjo kito ka pai dang kagalanggang lakekkan pulo malah badju adiak, lalu dibarikan pulo malah pakaiannjo Kambang Luari.

Dek urang Kambang Luari gadanglah hati samoso itu basigaplah injo malah lai mandjapak kudo kadalam kandang. Alah dilakekkan malah palano kulo lalu dihirik malah kudo ijo kahalaman rumah gadang hati gadang tidak tabado tapikia pulo dilalaus hati. "Mungkin djuo denai ka pai kawin".

Bakato Nangkodoh Baha : "Manolah adiak kandang Kambang Luari ritjaklah kudo nan sikua lai kapik malah ajam nangko kito badjalan lanjo lai". Lah badjalan maso itu maritjak kudo sikua surang Kambang Luari mahiriangkan dibalakang banjaklah kumpang nan talampau banjaklah dusun rasiinggahi dek lamo lambek nan didjalan djauah basarang dakek djoo kok dakek ti belah garas ijo digalanggang Puti Tjindai Taberai di dapati galanggang sangai raminjo ba matjam2 parmatan anak ogati ado bamain sepak rago ado bamain dudu puti ado mamupuah djo manjabarang.

Kok ditangah balai nan rami nantun lorong kapadjo Budjang Duano tidak pulo injo katinggalan injo nan tarantat anak mudo2 sangailah djombang tampakno samoso itu. Dek urang Sutan Radjo Ali sarato djo Puti Hongsu memandang sadjo dari djauah sanang rasonjo paratian. Pado maso dewasa itu tampaklah dek Puti Hongsu Nangkodoh Baha datang dihiriangkan dek urang surang sedang mangapak ajamalah tu kironjo lalu pandang2 bana sanan di patuik2 dihireh kironjo tuan

kandung dek Puti Bungsu kan ijo Kambang Luari. Tapi dek urang Kambang Luari ruponjo tak tahu ino dinan bana antah dimano ino agakno tidaklah ino tahu nan babaso ino dikampungno.

Pihak dek Puti Bungsu samaso itu lalu dipanggil Budjang Salamat : „Manolah tuan Budjang Salamat kini baitu malah dek tuan tjubolah tuan djepuk anak kanduang katangah balai suruah lakeh ino kamari ado bitjaro rumit dari hambo”.

Dek urang Budjang Salamat lah sudah dimintak izin kabadjalan lalu turun dari usrano pai manudju katangah galanggang dek lamo lamo lambek ino mantjari Budjang Duano lah baramu dicatang galanggang sanan bakato Budjang Salamat : „Manolah tuan katjak djanjo denai parenai malah tuan ka ustano mandeh nan manjuruah tuan katjak lakeh datang ado bitjaro rumit lah tu kini”.

Baru mandanga dikato nantun barangkek melah Budjang Duano ka ustano satu tibo ino manjambah : „Ampunlah hambo dek mandeh kanduang apokoh sabab karanonjo mangkonjo hambo mandeh pinggia. Tarangkan malah pado denai tatjameh raso paratian tjurai paparkan malah dek mandeh butuh nak saang didalam hati nak sadjak didalam kito2”.

Sanan bakato Puti Bungsu : „Manolah anak kanduang Budjang Duano dangakan malah dek anak elok2. Mangkonjo anak mandeh pinggia tidaklah lain tidaklah bukan kan ijo nan sabananjo lorong kapado dibari iko kokno lai tabangkit batang tarandam kokno lai rapupui malu dikaniang hanjolah anak nan mandeh harok. Tjubolah libek dek anak kanduang djaleh2 kata-

ngah galanggang. etan ditumpak urang nan banjak manjabuang nantun kan ado urang badoo nan surang sandang mangapit ajam djuo ijolah ajam. Piriang Kuning itulah nan mamak kanduang anak nan namo Kambang Luari kok nan surang lai ijo nan badeta balah katjang nantun nan babadjo hitam salalu nan tagak dakek mamak kanduang anak itulah radjo Nangkodoh Baba.

Takalo mulo2njo bana salorong tantangan mamak kanduang dek anak nantun mangkonjo tidak tshu dibino dengan mulia lai kan dek karano tamakan dicamuan nan badjampi tamakan dipitunang djo pakasih sarato djo sanruang pilalainjo.

Kini baitu malah dek anak kanduang ikolah ameh tigo katjo baolah ajam nan kurisk rambajan teduang pai malah anak kagalanggang sua manjabuang radjo nantun. Kok njampang tasuo anak diarah manang kokjo tidak namush mambajia kakalahannjo walaupun tadjadi tjakak djo kalah usahlah anak takuik ganta. Mudah2an Tuhan malindungi anak sabab baitu kato mandeh mungkinlah kini hutang babajaran nan piutang batarimoan.

Lorong kapado Budjang Duano baru mandanga kato mandeh nan bak kian tamanuang injo sakutiko babubah2 warond mukonjo adang merah nan bak buah sarago adang2 putjek nan bak kain ganiah tidaklah lamontaronjo nan bak kian lalu dimintak izin kapado mandeh sarato kapado bapak kanduang.

Alah sudah izin ditarimo dikunjab siriah sakapua lalu turun dang kahalaman si Selamat mahiriangkan di balakang mangapit ajam kurisk rambajan teduang. Alah tibo tjando digalanggang sanan bakato Budjang Duano Manolah tuan radjo Nangkodoh Baba melah kito ama

njabuang agak sadjamang. Kok kalah pambali siriah kok manang pambali santo".

Dek urang radjo Nangkodoh Baha mendanga dikato itu lalu dirjaliak malah urang nan manjuwa manjabuang nantun kironjo anak budjang mudo matah sanan mandjawab radjo Nangkodoh Baha : „Manolah urang mudo djanjo hambo koknjo itu urang mudo katokan itulah nan taniat dihati hambo bana. Tantangan muka-suik djo sangadjo ka galanggang ijo handak manjari lawan bana".

Bakato Budjang Duano : „Manolah bapak Djuaro nan digalanggang kini baitu malah dek bapak koknjo djadi kami mamupuah taruahnja indak ka sabarapo. Ikolah ameh urai tigo katjo tjuma saketek nan hambo pitjak tarangkan malah dek bapak apokoh sipatojo urang digalanggang. Mangkonjo hambo tanjokan bana kan ijo hambo anak mudo nak djan ta dorong2 usahlah hambo malangga pantang".

Mandjawab Djuaro Medan Labiah : „Koknjo itu urang mudo tanjokan nan usabuik pantangan digalanggang ijolah kok santano kalah dicaruah pitih mangko pitih sadjolah dan bakisa kok santano dicaruah alah kalah usahlah mahariak mandabiak dado. Banjak nan lain tak disabuik sebab walaupun kito digalanggang hamaia taruah adat djo sopan kan kito palibaro djuo".

Tipak dek radjo Nangkodoh Baha alah ditampin malah taruah ajam dibulang hanjo lai ijolah ajam biriang putiah tjotok. Lah dilapehkan ajam maso nantun ajam balago hanjo lai lah panek latjuik malatuikkan ruponjo ajam samo2 lah mahia kok tinggi latjuiknja ajam biriang sanan marandah ajam kuziak urang milihak ba-

ngah galanggang. etan ditompak urang nan banjak mianjabuang nantun. kan ado urang bado nan surang sadang mangapit ajam djuo ijolah ajam. Periang Kuniang itulah nan mamak kanduang anak nan dinamo Kambang Luari kok nan surang lai ijo nan bado balah karjang nantun nan babadju hitam salalu nan tagak dakek mamak kanduang anak itulah radjo Nangkodoh Baba.

Takalo mulo2njo bana salorong tantangan mamak kanduang dek anak nantun mangkonjo tidak tabu dibi no dengan mulia lai kan dek karano tamakan dicamuan nan badjampi tamakan dipitunang djo pokasiah sarato djo santuang pilalainjo.

Kini baitu malah dek anak kanduang ikolah ameh tigo karjo baolah ajam nan kuriak rambajan taduang: pai malah anak kagalanggang sua menjabuang radjo nantun. Kok njampang rasuo anak dinto manang kokonjo tidak namuah mambajia kakalahannjo walaupun tadjadi tjakak djo kalahi usahiah anak takuik ganta. Mudah2an Tuhan malindungi anak sebab baitu kato mandeh tungkinlah kini hutang babajaran nan pueang bararimoan.

Lorong kapado Budjang Duano baru mandanga kato mandeh nan bak kian tamanuang injo sekuriko ba rubah2 warono mukonjo adang merah nan bak buah sago adang2 putjek nan bak kain ganiah tidaklah lamo antaronjo nan bak kian lalu dimintak izin kapado mandeh sarato kapado bapak kanduang.

Alah sudah izin dicarimo dikunjab siraiah sakapua, lalu turun dang kahalaman si Selamat mahiriangkan di balakang mangapit ajam kuriak rambajan taduang. Alah tibo tjando digalanggang sanan bakato Budjang Duano :  
„Manolah tuan radjo Nangkodoh Baba melah kito ma-

njabuang agak sadjamang. Kok kalah pambali sirih kok manang pambali santo".

Dek urang radjo Nangkodoh Baha mandanga dikato itu lalu dirjaliak malah urang nan manjuwa manjabuang nantun kitonjo anak budjang mudo malah sanan mandjawab radjo Nangkodoh Baha : „Manolah urang mudo djanjo hambo koknjo itu urang mudo katokan itulah nan taniat dihati hambo bana. Tantangan muka-suik djo sangadjo ka galanggang ijo handak mantjari lawan bana".

Bakato Budjang Duano : „Manolah bapak Djuaro nan digalanggang kini baitu malah dek bapak koknjo djadi kami mamupuah taruahjo indak ka sabarapa. Ikolah ameh urai tigo katjo tjuma saketok nan hambo pingak tarangkan malah dek bapak apokoh sipetnjo urang digalanggang. Mangkonjo hambo tanjokan bana kan ijo hambo anak mudo nak djan ta derong2 usuhlah hambo malaogga pantang".

Mandjawab Djuaro Medan Labiah : „Koknjo itu urang mudo tanjokan nan sasabuik pantangan digalanggang ijolah kok santano kalah ditaruh panti mangko pitih sadjolab dan bakisa kok santano ditaruh malah kalah usuhlah mahariak mandabiak dada. Banyak nan lain tak disabuik sebab walaupun kito digalanggang bama in taruah adat djo sopan kan kito pahato dju".

Tipak dek radjo Nangkodoh Baha malah disampai malah taruah ajam dibulang hanjo lai tjolah ajam beriang putih tjotok. Lah dilapelikan ajam mudo nanuon ajam balago hanjo lai lah panek latjuik malastiktaan ruponjo ajam samo2 lah mahia kok tinggi latperkojo ajam biringan sanan marandah ajam kuriak urang mandak ka

hati tjameh. Lorong kapado Nangkodoh Baba lalu di-  
himbaukan malah tuah ajam : „Manolah hang sibiriang  
putiah tjotok ba apo mangko lalai djuo sudahi malah  
hanjo lai subao sadjo ang makan ditapak tangan”.

Tipak dek Budjang Duano pun mahimbaukan pulo  
tuah ajamjo : „Manolah ajam kuriak rambajan teduang  
kini lah tibo masonjo dek ang koknjo lai badjaso ang  
denai paliharo tjubolah tampakkan kini djuo buliah nak  
sanang paratian”.

Kununlah ajam kuriak nantun sarupo mangarati di  
karo tuannjo lalu malarjuik hanjo lai djo kaki nan ga-  
dang tu bakilek tampaknjo cadji samaso itu rupek tibon-  
njo dilihia ajam biringang tasungkua sanan ajam biringang  
urang basorak di galanggang. Lamo sabanta antaronjo  
bakato sanan Budjang Duano : „Manolah bapak Djuaro  
Medan Labiah tjubolah suokan ajam nantun nak tan-  
tu kalah djo manangujo”.

Dek urang Djuaro Medan Labiah lalu disuokan ma-  
lah ajam kitoarjo lah mati ajam biringang putiah tjotok  
sanan bakato maso itu : „Manolah kasadoannjo nan di  
galanggang kini lah njato, dek kito „mano nan kalah  
djo nan manang”, taruah bakisa samaso itu kapado pi-  
hak nan manang kan ijo kapado urang nan manaruihi  
ajam kuriak rambajan teduang.

Tipak dek radjo Nangkodoh Baba lah sirah warono  
mukonjo tidak tabado bangih hati bawiko Djuang ka  
ma'agiahkan taruah ajam kapado raag nan manang sa-  
nan disembanjo dek Nangkodoh Baba taruah nantun  
beran ratjangang Budjang Duano lalu bakato maso itu :  
„Manolah angku Nangkodoh Baba mangapo angku saru-  
po iko tadi kan alah didanga kok kitoalah bawerilahan

apo sababnjo angku semba taruah ajam tidak elok angku nan bak nantun”.

Sanan mandjawab Nangkodoh Baha : „Manolah ang bujuang djanjo denai usahlah ang sabuik duo kali tantangan manang kok dihambo nangko manang nan suko manarimo kok kalah pantang mambajia tidakkoh ang danga baritoarjo kan hambo nan bagala Nangkodoh Baha tidak ado nan lunak nan tidak denai sudu tidak ado nan kareh nan indak denai takiak”.

Kununlah dek Budjang Duano mandjawab injo maso itu : „Manolah angku Nangkodoh Baha koknjo bairu sipat angku itulah sipat dek urang nan indak baharti djo badjantuang. Namuah angku marampok ditengah galanggang rami apo bana nan kurang dek angku koknjo radjo angku kau ijo lah radjo koknjo kajo angku kan ijo lah kajo tapi ditaruah nan sekerek nan indak sabarapo banjarknjo itu nanuah angku marampok ditengah galanggang”.

Dek urang Nangkodoh Baha tidaknjo paduli dikato nantun taruah disimpannjo djuo samaso itu lalu bakato hanjo lai : „Manolah ang urang nan mudo eloklah ang babaliak pulang pailah djapuik bopak djo mandeh ang koknjo sarupo ang nangko tidaklah ka tarahan doh tangan den”, lalu dirjubo manampa Budjang Duano

Tipak dek Budjang Duano samaso itu tangan ka tiho injo mahilak ruponjo dek kuat bana Nangkodoh Baha mahajunkan tangan nan susaran tidaknjo kanai djaruah tadjarambok samaso itu. Tidak tabado berang batinjo sabab badampam bunjinjo djaruah maro lah merah nan bak sago mang garik2 sisunguiknjo badju lah kumuah kanai luluak lalu tagak hanjo lai diulang ma-



hudjo djo kaki tapi dek Budjang Duano kaki katibo injo mahilak lapehlah kaki karunggak galanggang lah runtuh tjando tunggak gaba2 hisem pikuk ditangah galanggang hiru biru urang nan benjak.

Lorong kapado Budjang Duano tidak dihalang kapalangi lai dihajunkan tjando tungkek basi tapek tibo dikapalo Nangkodoh Baha darah manjambua samaso itu nan bak sarupo tjatjang kanai tokok lah kiabek2i ha ngoknjo lah man dateh2 babega raso pamandangan di dirjubo djuo tagak hanjo lai kaki tibo didadonjo sason talanguah Nangkodoh Baha tasambua darah dari muluiknjo talalu pinsan dang sakali.

Kununlah Budjang Duano samaso leh nantun tidaknjo baranti mahajunkan panggado sarupo urang kamasukkan Sjetan tidak dihalang kapalangi sampailah mati Nangkodoh Baha.

Dek katano hiru biru digalanggang nantun datanglah Sutan Radjo Ali sarato dengan Pangulu Nagari didapati kironjo anak kanduang nan batjakak dirjalak pulo nan surang lai lah tabudjua mait samaso itu lalu malompek Sutan Radjo Ali ka tangah medan sason di tangkok anak kanduang disiram melah tantang kapalonnjo djo aja matah.

Alah tahu Budjang Duano didirinojo sason bakato maso itu : „Ampunlah hambo dek bayek kanduang smpun baribu kali ampun tidaklah mekasik djo sungadjo dek hambo mambunuah radjo Nangkodoh Baha tapi malang nan katibo didiri hambo sampai tabunuah injo dek hambo. Kini baitu malah dek bapak Pangulu Nagari rantai malah urang nangko ijo nan mahitangkan Nangkodoh Baha buliah nak dapek kito malalukan

ubek", bakato sambia manangib hibo hati tidak kapalang dek mantjaliak mamak kanduangjo kan ijo si Kambang Luari.

Allah Ta'ala kajo sungguh kununlah nan samaso itu dilakakkan malah ubek sarato djo panawa dek sangaik mamintak pado Allah balimo dukun mamantokan ubek lorong kapado Kambang Luari lah tahu injo didirinjo lah takana dinan bana sanan dilapeh pandang kiri djo kanan tjaliak djauah dilajangkan tjalik hampia lah ditukiakkan lah tampak dek injo Budjang Salamet sarato dengan Pangulu Nagari sanan bakato samaso itu : „Manolah bapak Pangulu Nagari sarato dengan Budjang Salamet lapehkanlah ba'a pilanggu nangko denai nan tidak ka malawan”.

Sanan batanjo si Budjang Duano : „Manolah mamak nan barantai bari luruih hambo batanjo dimano banakoh dusun djo nagari mamak tarangkan malah djaleh2 buliah njak rantu pulo kami mangiroi”.

Mandanga kato nan bak kian aluran dek Kambang Luari ajia mato giriang gumiriang sanan mandjawab sadu sadan : „Manolah urang budjang nan baranjo kok-njo itu nan ditanjokan dangakan malah elok2 buliah nak hambo tjurai hambo paparkan :

Buah bindursi iko dahulunjo  
tembuah mandjelo diudjuang Tandjuang  
Tandjuang nan tidak baliku lai,  
Ameh urai iko dahulunjo  
kini mandjadi ameh lantjuang  
lantjuang nan tidak laku lai.

Anak rang Tandjuang Panjalui  
baliku djalan rang kaladang

samak marimbun djo mangkudu,  
 Tidaklah guno denai sasa lai  
 dahulu den compang hati gadang  
 mak den tanggungkan malah dahulu.

Kok di rantang2 bana  
 putuibleh suto di sikotji  
 tidaklah djadi mananun kain,  
 Kok di kana2 bana  
 eloklah denai mambunuah diri  
 pado manjeso urang lain.

Dahulu lai hambo baharato lai basiwah djo baladang lai bataranak kebau djo bantiang ado hambo beradiak duo urang parampuan nan tengah banamo Puti Bungsu nan kerek banamo Puti Tjindai Taberai.

Kok nan tengah Puti Bungsu lah denai dabiah dengan pisau kanai pisuruah dek radjo Nangkodoh Baba santano alah denai bunuah adiak kandung denai nantun disanan baharulah denai dapek kawin ijo djo Puti Santan Batapih adiak kandung dek radjo Nangkodoh Bahaha", bakato sedang manangih lah taberah hibo didalam hati lah tahu injo dinan rusuah.

Mandanga tuturan Kambang Luati ijolah mamak kandung dek Budjang Duano manangihlah injo maso itu sarato dengan Puti Tjindai Taberai lala bakato Budjang Duano : „Manolah mamak kandung dibadan hambo tjobolah mamak rajiak bakuliliang laikoh mamak tahu dinagatiko tjobolah mamak tandoi bana njato2. Kini baitu malah dek mamak kandung kok santano lai djuo hiduik Puti Bungsu laikoh kahino mamak kapado injo”.

Sanan mandjawab Kambang Luati : „Manolah rang

mudo djanjo hambo usahlah disabuik duo kali dimanokoh kamungkin urang mati ka babaliak hiduik", sedang ma nangih2 djuo datanglah Puti Bungsu mahampiri Kambang Luari batanjo pulo injo maso itu: „Manolah tuan kanduang Kambang Luari bari ma'af hambo dek ruan santano ado kato nan tadorong koknjo tuturan nan talonsong ka bakeh diri tuan kan hambo nan banamo Puti Bungsu adiak kontan malah dek tuan. Koknjo urang mudo nangko injo banamo Budjahg Duo no kamanakan kanduang malah dek tuan kok injo Puti Tjindai Taberai ikolah injo adiak nan bungsu malah dek tuan”.

Mandanga dikato nantun sanan manangih Kambang Luari bakato injo sadu sadan: „Ampun baribu kali ampun ampunlah hambo dek adiak kanduang nan tahadok kasalahan hambo. Koknjo tidak adiak ampuni biapun tabuak lantai dek denai Sambahjong mungkin tidak ka tatabuik doh kasalahan hambo. Nan tahadok djo Tuhan Allah hambopun tobat hanjo lai talonsong suruik talangkah kumbali malah hambo nan dari bingge iko ka ateh.

Manolah Niniak Mamak dalam nagari mak sarato Tjadiak Pandai digalanggar kini nangko koknjo sabuliah2 pintak hambo nan manuruik 'adat pusako kito di nan hiduik bakarilahan kok mati batungkek Budi mamintak hambo sungguah2 ijolah tantang ka dja di radjo didalam nagariko hambo sarshkan kapado Puti Bungsu. Itupun koknjo lai suko urang nagari hambo nan tidak kamangarehi nan tahadok mait radjo Nangkodoh Baha eloklah kito sugirokan mingubusannjo buliah nak djan tasalah kito pado Agama”.

Kununtah urang nan di galanggang nantun habih rapakua kasadonjo satengah ado nan mananggih dek mangiroi satengah ado nan tamanuang mamikiri. Tidaklah lamo antaronjo urang basigap malah lai mangakok karadjo misiang2 sanan manjambah Pangulu Nagari: „Manolah tuan Putri Bungsu sarto tuanku Sutan Radjo Ali mak sarato tuan Kambang Luari pun sagalo Ni-niak Mamak nan hadir nangko koknjo di rantang2 bana koknjo di hudjo2 djo pikiran nan manuruik pandapek hambo surang koknjo lai kato samufakat nan tahadok pintak dek Kambang Luari tjalo cidaklah hambo manupang tantang itu. Tapi sangguahpun baitu bana hambo sarahkan pado sagalo nan hadir kini nangko buliah nak dapek kato nan saljo koknjo bulek dapek digolongkan koknjo pitjak dapek dilajutkan”.

Sanan mandjawab urang nan beramo: „Manolah tuan Putri Bungsu sarato tuan Kambang Luari mak sarato nan hadok hadang ditengah galanggang nangko dek karano alah basuluah maro hari alah bagalanggang maro rang banjak tipak didiri kami nangko djo suko hati kami carimo ato hanjo nan lain elok kito salasaikan malah mait nangko buliah nak djan dapek pulo kito dimaronjo”.

Alah basiap urang hanjo lai satengah pai manggali kubua satengah pai mandjapuik ajie satengah pai manjadiokan kapan dek sigap orang bakaratdjo alah salasai sado nan paralu.

Sasudah takubua mait radjo Nangkodoh Baha urang pun babaliak ka galanggang halek batambah rami djan alah anam bulan galanggang rami lah banjak Sutan nan lah tibo lah banjak radjo nan lah datang darab ajam

bek dibandakan siraiah mandjadi sarok balai gambia mandjadi tanah lijek.

Adolah pado suatu hari datang nan tidak di sangko2 kan ijo Suran Radjo Budjang lah datang injo samaso itu ijolah adiak kanduang dek Suran Radjo Ali. Lah tampak injo ditangah galanggang sanan bakato Putri Bungsu : „Manolah adiak kanduang Putri Tjindai Taberai eloklah adiak basugiro pai malah katangah galanggang alah tibo malah urang nan patuik kok diudji lai samo merah kok ditimbang lai samo barek songkan malah dek adiak djo rjarano bao naik malah ka ateh rumah. Itulah urang nan lai patuik nan kadjudunjo adiak kanduang”.

Tipak dek Putri Tjindai Taberai lalu turun ka halaman dihiriangkan dek dajang2 djo panginang sanan badariak tjando tunggak tuo bakadja rjatjak areh paran sanan bagaluik bajang2 diri diansua djuo malah ka tangah galanggang baru tibo injo bakato : „Manolah tuan Suran Radjo Budjang ikolah siraiah nan sakapua sarato rokok nan sabatang ka ubek hauih tuan didjalan”.

Lah panek hambo dek babansi  
nan babansi rujuang dirimbo,  
Lah panek hambo dek mananti  
nan dinanti tak kudjuang tibo.

Sanan mandjawab Suran Radjo Budjang :

Bialah panek adiak babansi  
babansi rujuang nan dirimbo,  
Bialah panek adiak mananti  
nan dinanti kan lai tibo.

Dek urang Suran Radjo Budjang lah dikunyah siraiah sakapua lalu dihisok rokok nan sabatang sanan

bakato Puti Tjindai Taberai : „Manolah tuan djanjo hambo eloklah sugiro tuan naik ka areb rumah usahlah lamo tagak di galanggang kok salah rjandonjo di pandang urang”.

Badjalanlah Sutan Radjo Budjang dihiringkan dek Puti Tjindai Taberai sarato Inang djo pangasuah dek lamo lambek nan didjalan lah ijo ditengah halaman lalu naik ka areb rumah diduduakkan tjando Sutan Radjo Budjang ijo diareh kasua Manggalo. Baru sabanta injo duduak sanan bakato Puti Tjindai : „Manolah kakak kandung Kambang Luari tolong dek kakak djo bi-tjaro nan tabadok niat djo masuk kito eloklah kakak mahantakan parundingan kito”.

Tipak dek Kambang Luari bakato injo maso itu „Manolah Niniak dengan Mamak sarato Pangulu djo Hanj diko mak sarato Alim Ulama djo Tjadiak Pandai neo hadok hadang dirangah rumah nangko sa buliah2 bali djo pinto mamintak hambo sungguah2 koknjo lai keto samufakat ijo handak mangawinkan adiak kandung hambo nan banamo Puti Tjindai Taberai dengan Sutan Radjo Budjang adiak koncen dek tuan Sutan Radjo Ali”.

Dapeklah keto samufakat lalu dibatjokan katubah Nikah alah badjawek Idjab dengan Kabul sulasailah sudah kawinnjo Sutan Radjo Budjang dengan Puti Tjindai Taberai alah dibatjokan malah do’a salamat.

Sasudah minum dengan makan sudah marokok makan siriah halek mamuhun mintak pulang hanjo lai ijo katampek masiang2

Karibik di dalam lubang  
kanai ajia batanibal njalo,

Lah babaliak urang nan hilang  
babaliak mandjadi radjo pulo.

Alah husai malah galanggang samaso itu halek sudah mukasuik sampai dek lamo bakalamoan alah babaliak harato kasadonjo babaua pandai samo pandai ijolah pandai batenggang akal dengan budi tabu mabagak ma hagiakkan muluik manih kutjindan murah budi baik baso katudju salamaiklah sadjo nan dimukasuiik.

Balajia kapa ke Surantiah  
balabuah tantang Taluak Kuantan,  
Sadaing nak ijo indak buliah  
sadang katudju dibantikan.

T A M M A T .

**DDKUMENTASI**  
**LUKMAN ALI**

September 1961.



3228



899